


春秋四傳



春秋四傳卷之七

莊公一公名同桓公之子母文姜夫人

二年謚法勝敵克亂曰莊

周魯莊公十二年莊王崩子僖王立

鄭魯莊公十四年鄭傅瑕殺子儀而納厲公莊二十一年厲公卒子文公立

齊魯莊公八年襄公弒莊九年齊桓公赤白入于齊是年齊管仲為政

宋魯莊公二年宋莊公卒子閔公捷立

晉翼晉侯緡之二十七年魯莊公之十六年也曲沃武公伐晉滅之。曲沃武公二十

三年魯莊公十六年滅晉侯緡周僖王命曲沃伯以一軍為晉侯始更號曰晉魯莊

公十七年武公卒
子獻公侂諸立

衛 魯莊公六年齊納惠公放黔牟于周
莊二十五年惠公卒子懿公赤立

蔡 魯莊公十年楚敗蔡師執哀侯以歸莊十
九年哀侯卒于楚蔡人立其子貜為繆侯

曹 魯莊公二十三年曹莊公卒子僖公夷立
魯莊公三十二年僖公卒子昭公班立

滕 詳見隱
公元年

陳 魯莊公元年十月莊公
卒子宣公杵臼立

杞 詳見隱公元年
及僖公元年

薛 魯莊公三十一年薛伯卒

邾 魯莊公十六年邾子克卒即儀父也邾子
瑣立莊公二十八年邾子瑣卒文公遽葬

立

許 許叔入許五年即僖公
四年許穆公新臣也

小邾 魯莊公五年邾黎來
來朝詳見隱公元年

楚 魯莊四年武王卒子文王熊貲立莊十九
年文王卒子堵敖熊羆立莊二十二年熊

惲弒兄堵敖代立是為楚成王
史記以莊十八年為堵敖元年堵敖立五年遇弒楚

成立十六年齊桓公以兵侵楚至
涇。莊公三十年楚子文為令尹

秦 詳見隱
公元年

吳 詳見隱
公元年

越 詳見隱
公元年

莊王元年 齊襄五年 晉縉十二年 衛惠七年 鄭厲八年 蔡哀二年 陳莊七年 卒祀靖十一年 末莊十七年 秦武五年 楚武四十八年

春王正月

左傳不稱即位文姜出故也公羊傳公何以不言即位春秋君弒子

不言即位君弒則子何以不言即位隱之也孰隱隱子也穀梁傳繼弒君不言即位正也繼弒君不言即位之為正何也曰先君不以其道終則子不忍即位也

胡傳

曰莊公嫡長其為儲副明矣雖內無所承上不請命獨不可以享國而書即位乎曰諸侯之嫡子必誓於王莊雖嫡長而未誓安得為國儲君副稱世子也夫為世子必誓於王為諸侯可以內無所承上不請命擅有其國即諸侯之位耶春秋

繼而不書父子君臣之大倫正矣

長上 同聲下

扶夫音

三月夫人孫于齊

左傳不稱姜氏絕不為親禮也公羊傳孫者何孫猶

孫也內諱奔謂之孫夫人固在齊矣其言孫于齊何念母也正月以存君念母以首事夫人何以不稱姜氏貶曷為貶與弒公也其與

弒公奈何夫人譖公於齊侯公曰同非吾子齊侯之子也齊侯怒與之飲酒於其出焉使

公子彭生送之於其乘焉擗幹而殺之念母者所善也則曷為於其念母焉貶不與念母也穀梁傳孫之為言猶孫也諱奔也接練時

錄母之變始人之也言猶孫也諱奔也接練時於天也以道受命於人也不言氏姓貶之也人之

道者天絕之也不若於言者人絕之也臣子大受命

胡傳 夫人文姜也桓公之弒姜氏與焉為魯臣子者義不共戴天矣嗣君夫人

所出也恩如之何徇私情則害天下之大義舉王法則傷母子之至恩此國論之難

與去 同聲下 去 義舉王法則傷母子之至恩此國論之難

斷者也經書夫人孫于齊而恩義之輕重

斷者也經書夫人孫于齊而恩義之輕重
審矣梁人有繼母殺其父者而其子殺之
有司欲當以大逆孔季彥曰文姜與弑魯
桓春秋去其姜氏傳謂絕不為親禮也夫
絕不為親即凡人耳方諸古義宜以為允
寇而擅殺當之不得以逆論也人以為允
故通於春秋然後能權於天下之事矣孫
者順讓之辭使若不為天子所逐以全恩
也哀姜去而弗返文姜即歸于魯例以孫
書何也與聞弑桓之罪已極有如去而弗
返深絕之也然則恩輕而義重矣河廣之
詩其詞何取而聖人錄于國風者明宋襄
公之重木亦此義也其垂訓遠矣

夏單伯逆王姬
單音善後同逆左作送公羊
天子者何使我不稱使天子召而使之也逆
之者何使主之也曷為使主之天子嫁

女于諸侯必使諸侯同姓者主之諸侯嫁女
于大夫必使大夫同姓者主之穀梁傳單伯
者何吾大夫之命乎天子者也命大夫故不
名也其不言如何也其義不可受於京師也
其義不可受於京師何也曰躬君弑於齊
使之主婚姻與齊為禮其義固不可受也
胡傳單伯者吾之命大夫也逆王姬使我
義不可受於京師也躬君弑于齊使之主
婚姻與齊為禮其義固不可受也此明忘
親釋怨則無以
立人之道矣

秋築王姬之館于外
左傳為外禮也公羊傳

禮也于外非禮也于外何以書譏何譏爾築之
禮也其築之何以禮主王姬者必為之改築
主王姬者則何為必為之改築於路寢則不
可小寢則嫌羣公子之舍則以卑矣其道必

必為
去聲

春秋左傳卷二十

王康書

為之改築者也穀梁傳築禮也于外非禮也
 築之為禮何也主王姬者必自公門出於廟
 則已尊於寢則已卑為之築節矣築之外變
 之正也築之外變之為正何也仇讐之人非
 所以接婚姻也衰麻非所以接弁冕也其不
 言齊侯之來逆何也不使齊侯得與吾為禮
 也

胡傳

魯於王室為懿親其主王姬亦舊矣
 館於國中必有常處今特築之於外
 者穀梁子以為仇讐之人非所以接婚姻
 也衰麻非所以接弁冕也知其不可故特
 築之于外也築之於外得變之正乎曰不
 正有三年之喪天王於義不當使之主有
 不戴天之讐莊公於義不可為之主築之
 於外之為宜不若辭而弗主之為正也是
 以君子貴端本焉或曰天王有命固不可
 辭使單伯逆于京師上得尊周之義為之

衰七
雷反

為去
聲

為去
聲

築館于外下未失居喪之禮奚為不可曰
 以常禮言之可也今莊公有父之讐方居
 苦塊此禮之大變也而為之主婚是廢人
 倫滅天理矣春秋於此事一書再書又再
 書者其義以復讐為重示天下後世臣子
 不可忘君親之意故雖築館于外不以爲
 得禮而特書之也

冬十月乙亥陳侯林卒穀梁傳諸侯 ○王使

榮叔來錫桓公命此書錫命之始公羊傳錫

也其言桓公何追命也穀梁傳禮有受命無
 來錫命錫命非正也生服之死行之禮也生
 不服死追錫之不正甚矣

胡傳 啖助曰不稱天王寵篡弒以瀆三綱
 也春秋書王必稱天所履者天位也

現見音

為去聲

所行者天道也所賞者天命也所刑者天

討也今桓公弑君篡國而王不能誅反追

命之無天甚矣桓無王王無天其失非小

惡也與葬成風引為夫人使妾並嫡無以

聘求車三事為證而謂非義之所存誤矣

王姬歸于齊公羊傳何以書我主之也

胡傳不書此獨書者以歸于齊故也逆于

京師築館于外而不書歸于齊則無以見

其罪之在也書歸于齊而後忘親釋怨之

罪著矣春秋復讐之義明矣

齊師遷紀邾鄆吾邾蒲丁反鄆子斯反鄆音

之者何取之也取之則曷為不言取之也為

襄公諱也外取邑不書此何以書大之也何

大爾自是始滅也穀梁傳紀國也

邾鄆邾國也或曰遷紀于邾鄆邾

胡傳邾鄆邾者紀三邑也邑不言遷遷不

守而齊人強暴川大衆以迫之為已屬也

凡書遷者自是而滅矣春秋興滅國繼絕

世則遷國邑者不冉貶而罪已見矣

現見音

已五年二年齊襄六晉緡十三衛惠八黔牟

十陳宣公杵臼元年杞靖十二宋

莊十八卒秦武六楚武四十九

葬陳莊公夏公子慶父帥師伐於餘丘

傳於餘丘者何邾婁之邑也曷為不繫乎邾

婁國之也曷為國之君存焉耳穀梁傳國而

以譏乎公也其一曰君在而重之也

胡傳

按二傳於餘丘邾邑也國而曰伐此

也莊公幼年即位首以慶父主兵卒致子

般之禍於餘丘法不當書聖人特書以誌

亂之所由為後戒也魯在春秋中見弑者

三君其賊未有不得魯國之兵權者公子

翬再為主將專會諸侯不出隱公之命仲

遂擅兵兩世入把伐邾會師救鄭三軍服

其威令之日父矣故翬弑隱公而為氏不

能明其罪慶父弑子般而成季不能遏其

惡公子遂殺惡及視而叔仲惠伯不能免

其死夫豈一朝一夕之故哉春秋所書為

戒遠矣

秋七月齊王姬卒

公羊傳外夫人不卒此何

以卒錄焉爾曷為錄焉

我主之也穀梁傳

為之主者卒之也

胡傳內女嫁為諸侯妻則書卒王姬何以

甫父音

將去聲

委寫音

夫音扶

告作穀為夫音扶聲

竟境同

冬十有二月夫人姜氏會齊侯于禚

反公作

郟左傳書姦也穀梁傳婦人既嫁不踰竟踰

胡傳

婦人無外事送迎不出門見兄弟不

今會齊侯于禚是莊公不能防閑其母失

子道也故趙匡曰姜氏齊侯之惡著矣亦

從去聲

馮音

惡去聲

所以病公也曰子可以制母乎夫死從子通乎其下况於國君君者人神之主風教之本也不能正家如正國何若莊公者哀痛以思父誠敬以事母威刑以督下車馬僕從莫不俟命夫人徒往乎夫人之往也則公威命之不行哀戚之不至爾

乙酉宋公馮卒

馮皮水反

庚莊王三年齊襄七晉緡十四衛惠九黔牟六年五蔡哀四鄭厲十子儀三曹莊

公捷元年秦武七楚武五春王正月溺會

齊師伐衛

左傳疾之也公羊傳溺者何吾大夫之未命者也穀梁傳溺者何也

公子溺也其不稱公子何也惡其會仇讐而伐同姓故貶而名之也

胡傳

穀梁子曰此公子溺也其不稱公子何也惡其會仇讐而伐同姓故貶而名

之也有父之讐而釋怨其罪大矣况與合黨與師伐人國乎

夏四月葬宋莊公

穀梁傳葬故也

五月葬桓王

左傳緩也公羊傳此未有言崩者何以書葬蓋改葬也穀梁傳曰改葬也改葬之禮總舉下緬也或曰卻尹以求諸侯天子志崩下志葬必其時也何必焉舉天下而葬一人其義不疑也志葬故也危不得葬也曰近不失崩不志崩失天下也獨陰不生獨陽不生獨天不生三合然後生故曰母之子也可天之子也可尊者取尊稱焉卑者取卑稱焉其曰王者民之所歸往也

胡傳

左氏曰緩也天子七月而葬同軌畢至士踰月外姻至王崩至是蓋七年矣先

儒或言天子不志葬又以爲不言葬者常

扶夫音

也夫事孰有大於葬天子者而可以是不志乎死生終始之際人道之大變豈以是為常事而不書也

秋紀季以鄆入于齊

鄆戶圭反左傳紀於是乎始判公羊傳紀季者

何紀侯之弟也何以不名賢也何賢乎紀季服罪也其服罪奈何魯子曰請後五廟以存姑姊妹穀梁傳鄆紀之邑也入于齊者以鄆事齊也入者內弗受也

胡傳

大夫不得用地公子不當去國盜地以下敵棄君以避患非人臣也故春秋之義私逃者必書奔有罪者必加貶今季不書奔則非竊地也不書名則非貶也諸侯兄弟貶則書名宋辰秦鍼之類是也

鍼其庶反

以不書奔者有紀侯之命矣所以不書名者天下無道強衆相陵天子不能正方伯不能伐屈已事齊請後五廟其亦不得已而為之者非其罪也所以無貶乎入云者也

冬公次于滑 滑公穀作即左傳將會鄭伯謀為舍再宿為信過信為次公羊傳其言次于即何刺欲救紀而後不能也穀梁傳次止也

冬公次于滑

滑公穀作即左傳將會鄭伯謀為舍再宿為信過信為次公羊傳其言次于即何刺欲救紀而後不能也穀梁傳次止也

有畏也欲救紀而不能也 穀梁子曰次止也有畏也欲救紀而不能也春秋紀兵伐而書次以次為善救而書次以次為譏次于滑譏之也魯紀有婚姻之好當恤其患於齊有父之讐不共戴天苟能救紀抑齊一舉而兩善并矣見義不為而有畏也春秋之所惡故書公次于滑以譏之也或言夫子意在刺無王命若譏其怯懦則當褒其勇者春秋乃

胡傳

穀梁子曰次止也有畏也欲救紀而不能也春秋紀兵伐而書次以次為善救而書次以次為譏次于滑譏之也魯紀有婚姻之好當恤其患於齊有父之讐不共戴天苟能救紀抑齊一舉而兩善并矣見義不為而有畏也春秋之所惡故書公次于滑以譏之也或言夫子意在刺無王命若譏其怯懦則當褒其勇者春秋乃

好惡並去聲

王命若譏其怯懦則當褒其勇者春秋乃

鼓亂之書為此言者誤矣易於謙之六五則曰利用侵伐師之六四則曰左次無咎進退勇怯頴義如何耳豈可專以勇為鼓亂而不與乎

辛卯 莊王四年 齊襄入晉緡十五衛惠十黔牟七年 六蔡哀五鄭厲十一子儀四曹

莊十二陳宣三杞靖十四宋 春王二月夫人 閔二秦武八楚武五十一

姜氏享齊侯于祝丘 享公穀作饗穀梁傳饗也侯

也侯 相見享于廟中禮也犧象不出門嘉

胡傳 享者兩君之禮所以訓恭儉也兩君 樂不野合非兩君相見又 去其國而享諸侯甚矣

三月紀伯姬卒 穀梁傳外夫人不卒此其言 卒何也吾女也適諸侯則尊

同以吾為之 變卒之也 附錄 左傳四年春王三月楚武王荆尸授 師子焉以伐隨將齊入告夫人鄧曼 曰余心蕩鄧曼歎曰王祿盡矣盈而蕩天 之道也先君其知之矣故臨武事將發大 命而蕩王心焉若師徒無虧王薨于行國 之禍也王遂行卒於楸木之下令尹鬬祈 莫敖屈重除道梁澁營軍臨隨隨人懼行 成莫敖以王命入盟隨侯且請為會於漢 汭而還濟漢 而後發喪

齊側 皆反

橫音 側音 嫁 反 音 芮

夏齊侯陳侯鄭伯遇于垂

胡傳 蘇轍曰鄭伯子儀也桓十五年書突 出奔蔡忽歸于鄭是年九月突入於

襄公殺子亶鄭人立子儀莊十四年突使 樂十七年高渠彌弑忽立子亶十八年齊

齊音 尾

且反

適音

難夫

為去
聲亨
烹同

傳瑕弒子儀而入則遇于垂者子儀也然則鄭有二君可乎春秋有一國而二君者鄭突與儀衛行與剽是也突行始終為君子儀君鄭古有四年剽君衛有有十年皆能君者也故春秋因其實而君之然則孰與曰皆不與也突之入以篡術之出以惡儀剽雖國人所立而突行在焉非所以為安也故四人者春秋莫適與也皆不沒其實耳君子不幸而處此如子臧季札可也非如是則亂不止為此說者善矣然而鄭伯實厲公也非子儀也

紀侯大去其國

左傳紀侯不能下齊以與紀也公羊傳大去者何滅也孰滅之為賢乎襄公復讐也何讐爾遠祖也哀公亨乎周紀侯譖之以襄公之為於此焉者事祖

與平聲

去上聲

禰之心盡矣盡者何襄公將復讐乎紀上之曰師喪分焉寡人死之不為不吉也遠祖者幾世乎九世矣九世猶可以復讐乎雖百世可也家亦可乎曰不可國何以可國君一體也先君之耻猶今君之耻也今君之耻猶先君之耻也國君何以為一體國君以國為體諸侯世故國君為一體也今紀無罪此非怒與曰非也古者有明天子則紀侯必誅必無紀者紀侯之不誅至今有紀者猶無明天子也古者諸侯必有會聚之事相朝聘之道號辭必稱先君以相接然則齊紀無說焉不可以並立乎天下故將去紀侯者不得去紀也也有明天子則襄公得為若行乎曰不得也

緣恩疾者可也穀梁傳大去者不遺一人之辭也言民之從者四年而後畢也紀侯賢而齊侯滅之不言滅而曰大去其國者不使小人加乎君子

扶夫音

胡傳

凡大閱大雩大蒐而謂之大者譏其
 土地人民儀章器物悉委置之而不顧也
 或曰以爭國為小而為以去國為大而
 為之者也夫守天子之土疆承先祖之祭
 祀義莫重焉委而去之無貶歟曰有國家
 者以義言之世守也非身之所能為則當
 效死而勿去以道言之不以其所以養人
 者害人亦可去而不守於斯二者顧所擇
 如何爾然則擬諸太王去邠之事其可以
 無愧矣曰太王去邠從之者如歸市紀侯
 去國日以微滅則何太王之可擬哉故聖
 人與其不爭而去而不與其去而不存與
 其不爭而去是以異於失地之君而不名
 不與其去而不存是故書叔姬歸鄆
 而不錄紀侯之卒明其為君之末矣

六月乙丑齊侯葬紀伯姬公羊傳外夫人不

現見音

惡去
同聲下

之也何隱爾其國亡矣徒葬於齊爾此復讐
 也曷為葬之滅其可滅葬其可葬此其為可
 葬柰何復讐者非將殺之逐之也以為雖遇
 紀侯之殯亦將葬之也穀梁傳外夫人不書
 葬此其書葬何也吾女也失國故隱而葬之

胡傳

葬紀伯姬不稱齊人而曰其君者見
 齊襄迫逐紀侯使之去國雖其夫人

在殯而不及葬然後襄公之罪著矣或曰
 葬之禮也而以為著其罪何也弑魯君滅
 其婚姻之國而葬其女是猶加刃於人以
 手撫之也而可以為禮乎斥言齊侯賤之
 也或曰惡其詐也如紀似禮存季似義葬
 伯姬似仁惡似而非者惡莠恐其亂苗也

秋七月○冬公及齊人狩于禚公羊傳公曷

為與微者狩齊侯也齊侯則其稱人何諱與
 讐狩也前此者有事矣後此者有事矣則曷

勝平聲

為獨於此焉譏於讐者將壹譏而已故擇其
重者而譏焉莫重乎其與讐符也於讐者則
曷為將壹譏而已讐者無時焉可與通通則
為大譏不可勝譏故將壹譏而已其餘從同
同穀梁傳齊人者齊侯也其曰人何也早公
之敵所以卑公也何為卑公也不復讐而怨
不釋刺也

胡傳

穀梁子曰齊人者齊侯也其曰人何
也卑公之敵所以卑公也何為卑公

朝音

不復讐而怨不釋刺釋怨也
共戴天兄弟之讐不與同國九族之讐不
同鄉黨朋友之讐不同市朝今莊公與齊
侯不與共戴天則無時焉可通也而與之
符是忘親釋怨非人子矣夫符者馳騁田
獵其為樂下主乎已一為乾豆其事上主
乎宗廟以為有人心者宜於此焉變矣
故齊侯稱人而魯公書及以著其罪

樂音
洛乾
音干

壬莊王五年齊襄九年晉緡十六衛惠十一黔
八年蔡哀六年鄭厲十二子儀五

曹莊十三陳宣四杞靖十五宋春王正月○
閔三秦武九楚文王熊賁元年
夏夫人姜氏如齊師穀梁傳師而曰如眾也
婦人既嫁不踰竟踰竟

非禮也

胡傳

師者眾多之地按齊詩載驅刺襄公
無禮義盛其車服疾驅於通道大都

湯失章友必必彭必友
亡友友友友友友友友
應表友友友友友友友友
驕友友友友友友友友友
惡去友友友友友友友友
聲行去友友友友友友友友
去聲友友友友友友友友
復扶友友友友友友友友
又反友友友友友友友友

與文姜淫之詩也其三章曰汶水湯湯行
人彭彭魯道有蕩齊子翔翔彭彭者多貌
也其四章曰汶水滔滔行人儻儻魯道有
蕩齊子遊遨儻儻者眾貌也曰會曰享猶
為之名也至是如齊師羞惡之心亡矣夫
人之行不可復制矣春秋書此以戒後世
謹禮於微慮患
於早之意也

秋邠黎來朝邠公作倪黎左作犁左傳名邠婁也小邠婁則曷為謂之倪未能以其名通也黎來者何名也其名何微國也穀梁傳邠國也黎來微國之君未爵命者也

胡傳

邠國也黎來名也國何以名夷狄之附庸也中國附庸例書字邠儀父蕭

叔是也夷狄附庸例書名邠黎來介葛盧是也能脩朝禮故特書曰朝其後王命以為小邠子蓋於此已能自進於禮矣

冬公會齊人宋人陳人蔡人伐衛

左傳冬伐衛納惠公

也公羊傳此伐衛何納朔也曷為不言納衛侯朔辟王也穀梁傳是齊侯宋公也其曰人何也人諸侯所以人公也其人公何也逆天王之命也

聲去 潮朝音 甫父音

胡傳

穀梁子曰是齊侯宋公也其曰人何也人諸侯所以人公也其人公何也

逆王命也桓公十六年衛侯朔出奔齊經書其名者以王命絕之也又黨有罪以納之故賤而書人

癸巳莊王九年六年齊襄十年晉緡十七衛惠十二黔牟八蔡哀七鄭厲十三子儀六

曹莊十四陳宣五杞靖十春王正月正月正月公

王人子突救衛

書救始此左傳六年春王人者何

微者也子突者何貴也貴則其稱人何繫諸人也曷為繫諸人王人耳穀梁傳王人卑者也稱名貴之也善救衛也救者善則伐者不正矣

胡傳

王人微者子突其字也以下士之微超從大夫之例而書字者褒救衛也

朔陷其兄使至於死罪固大矣然其父所
立諸侯莫得而治也王治其舊惡而廢之
可也又藉諸侯之力抗王命以入國是故
四國之君賤而稱人王人之微嘉而書字
或曰子突王之子弟也用兵大事而委諸
子弟使無成功故書人以譏之必若此言
是春秋以成敗論事而不計理也使諸侯
苟顧逆順之理子突雖微自足以申王命
矣彼既肆行莫之顧也雖天子親臨將有
請從如祝聃者況其下乎子突不勝五國
使之得入也其亦不幸焉爾矣幸不幸命
也守義循理者法也君子行法以俟命故
其褒貶
如此

夏六月衛侯朔入于衛

左傳夏衛侯入放公

于秦殺左公子洩右公子職乃即位君子以
二公子之立黔牟為不度矣夫能固位者必

度於本末而後立衷焉不知其本不謀知本
之不枝弗強詩云本枝百世公羊傳衛侯朔
何以名絕曷為絕之犯命也其言入何纂辭
也穀梁傳其不言伐衛納朔何也不逆天王

之命也入者內弗受也何用弗受也為以王
命絕之也朔之名惡也朔入逆則出順矣朔
出入名以王**秋公至自伐衛**公羊傳曷為或
命絕之也**秋公至自伐衛**言致會或言致
伐得意致會不得意致伐衛侯朔入於衛何
以致伐不敢勝天子也穀梁傳惡事不致此
其致何也不致則無用
見公之惡事之成也

胡傳

入有二義一難詞也一逆詞也朔藉

者以復歸于衛其勢宜無難矣而書入者
逆王命也春秋大義在於天下為公選賢
與能而不拘大人世及之禮雖以正取國
未之貴也况殺其兄又逆王命乎故衛朔

藉慈
夜反
距與
拒同

見音

書名書入以著其惡王人書字書救以著其善外則諸侯書人內則莊公書至而春秋之情凡矣

螟○冬齊人來歸衛俘俘公穀作寶左傳齊人來歸衛寶文姜請

之也公羊傳此衛寶也則齊人曷為來歸之衛人歸之也衛人歸之則其稱齊人何讓乎我也其讓乎我奈何齊侯曰此非寡人之力魯侯之力也穀梁傳以齊首之分惡於齊也

使之如下齊而來我然惡戰則殺矣

胡傳俘者二傳以為寶按商書稱遂伐三

辭也言齊歸衛寶則知四國皆受朔之駱矣春秋特書此事結正諸侯之罪也夫以弟弑兄臣弑君篡居其位上逆天王之命人理所不容矣彼諸侯者豈其弗察而後

傳去 聲腹 祖叢 反 夫音 扶于 援于 眷反

齊云 行去 聲去 上聲

離音 通齊 齊臍

焉於 復扶 又反

之甚力則未有以驗其喪心失志迷惑之端也及書齊人歸寶然後知其有欲貨之心而後動於惡也世衰道微暴行交作狗于貨寶賄賂公行使君臣父子兄弟終去仁義懷利以相與不至於篡弑奪攘則不厭也春秋書此結正諸侯之罪垂戒明矣

附錄左傳楚又王伐申過鄧鄧郟侯曰吾甥也止而享之騅甥聃甥養甥請殺

楚子鄧侯弗許三甥曰亡鄧國者必此人也若不早圖後君噬齊其及圖之乎圖之此為時矣鄧侯曰人將不食吾餘對曰若不從三臣抑社稷實不血食而君焉取餘

弗從還年楚子伐鄧十年楚復伐鄧滅之

甲午 莊王七年 齊襄十一年 晉緡十八 衛惠十三

十五年 陳宣六年 杞靖十七 宋春夫人姜氏會齊

侯于防

左傳文姜會齊侯于防齊志也

○夏

四月辛卯夜恒星不見夜中星隕如雨

辛卯夜穀

夜作昔見音現隕于閔反公作賈凡賈字後同左傳恒星不見夜明也星隕如雨與雨併也公羊傳恒星者何列星也列星不見則何以知夜之中星反也如雨者何如兩者非兩也非雨則曷為謂之如雨不脩春秋曰兩星不及地尺而復君子脩之曰星賈如雨何以書記異也穀梁傳恒星者經星也日入至於星出謂之昔不見者可以見也夜中星隕如雨其隕也如雨是夜中與春秋著以傳著疑以傳疑中之幾也而口夜中者著焉爾何用見其中也失變而錄其時則夜中矣其不日恒星之隕何也我知恒星之不見而不知其隕也我見其隕而接於地者則是雨說也於上見於下謂之雨著於下不見於上謂之

與平

隕豈雨說哉

胡傳

恒星者列星也如雨者言衆也人事連衡旅拒王命後此者齊桓晉文更霸中國政歸盟主而王室遂虛其為法度廢絕威信凌遲之象著矣漢成帝永始中亦有星隕之異而五侯擅權賊莽居攝漢之宗支掃蕩幾盡天之示人顯矣春秋謹於天象至矣

秋大水無麥苗

左傳秋無麥苗不害嘉穀也公羊傳無苗則曷為先言無

麥而後言無苗一災不書待無麥然後書無苗何以書記災也穀梁傳高下有水災曰大水無麥苗麥苗同特也

胡傳

書大水畏天災也無麥苗重民命也畏天災重民命見王者之心矣忽天

幾平聲

庚更音

災而不懼輕民命而不圖國之亡無日矣春秋所以謹之也

冬夫人姜氏會齊侯于穀

穀梁傳婦人不

胡傳

防魯地也穀齊地也初會于榘次享

焉其為惡益遠矣明年無知弒諸兒其禍淫之明驗也

春秋四傳卷之七

春秋四傳卷之八

莊公二

乙未 八年

齊襄十二弒晉緡十九衛惠

入曹莊十六陳宣七杞靖十

春王正月師次

于郎以俟陳人蔡人

言侯何託不得已也

梁傳次止也

胡傳

用大衆曰師次止也伐而次者有整

兵慎戰之意其次善之也遂代楚次

于經是也救而次者有緩師畏敵之意其

而次者有無名妄動之意次于郎以俟陳

雍去聲

漢士廉書

我侯而邀之也或曰魯將與陳蔡有事於鄰國而陳蔡不至故次于郎以待之也若

甲午治兵治公作祠左傳治兵于廟禮也

旅其禮一也皆習戰也何言乎祠兵為久也

穀梁傳曰治兵習戰也入曰振旅習戰也

治兵而陳蔡不至矣兵事以嚴終故曰善陳

者不戰此之謂也善為國者不死善死善師者不

陳善陳者不戰善戰者不死善死善師者不

夏師及齊師圍邾邾降于齊師邾公作成

又復扶木暴步

下音陣善陳

去之為久

胡傳此治兵于郎也侯而不死善死善師者不

之其志非善之也譏黷武也

仲慶父請伐齊師公曰不可我實不德齊師

何罪罪我之由夏書曰臯陶邁種德德乃降

姑務脩德以待時乎公羊傳成者何盛也盛

則曷為謂之成諱滅同姓也曷為不言降吾

師辟之也穀梁傳其曰降于齊

師何不使齊師加威於邾也

胡傳姓也邾降于齊師者見伐國無義而

不能服也於是

秋師還善魯莊公公羊傳還者何善辭也此

滅同姓何善爾病之也曰師病矣曷為病之

非師之罪也穀梁傳還者事未畢也遯也

父音甫將與並去聲

胡傳伐齊師莊公不可是國君上將親與

圍邾之役也然其次其及其還皆不稱公

者重衆也春秋正例君將不稱帥師則以

士廉

春秋左傳卷八

王鎮刊

君為重今此不稱公又以為重眾何也輕舉大眾妄動久役俟陳蔡而陳蔡不至圍邾而邾不服歷三時而後還則無名黷武非義害人未有如此之甚也至是師為重矣義繫於師故不書公以著勞民毒眾之罪為後戒也春秋王道輕重之權衡此類是矣

冬十有一月癸未齊無知

胡傳無知曷為不稱公孫而以國氏罪僖公也弒君者無知於僖公何罪乎不以公孫之道待無知使恃寵而當國也按

無知者夷仲年之子年者僖公母弟也私其同母異於他弟施及其子衣服禮秩如嫡此亂本也故於年之來聘特以弟書於無知之弒不稱公孫著其有寵而當國也垂戒之義明矣古者親親與尊賢並行而

施以反

不相悖故堯親九族必先明俊德而後九族睦周封同姓必庸康叔蔡仲而後王室強徒知寵愛親屬而不急於尊賢使為儀表以明親親之道必有寡弒之禍矣

弒其君諸兒

左傳齊侯使連稱管至父戍葵丘瓜時而往曰及瓜而代期戍

公問不至請代弗許故謀作亂僖公之母弟曰夷仲年生公孫無知有寵於僖公衣服禮

秩如適襄公絀之二人因之以作亂連稱有從妹在公宮無寵使間公曰捷吾以女為夫

人冬十二月齊侯游于姑棼遂田于貝丘見大豕從者曰公子彭生也公怒曰彭生敢見

射之豕人立而啼公懼隊于車傷足喪履反誅屨於徒人費弗得鞭之見血走出遇賊于

門劫而束之費曰我奚御哉袒而示之背信之費請先入伏公而出鬪死于門中石之紛

如死于階下遂入殺孟陽于牀曰非君也類見公之足于戶下遂弒之而立無知初襄

適丁 歷去 從去 聲下 同女 音女 芬扶 云及 貝補 蓋反 見音 現射 音石 隊音 去聲

費音
秘召
實照
反

見音
現便
平聲

遠去
同聲
下去

公立無常鮑叔牙曰君使民慢亂將作矣奉
公子小白出奔莒亂作管夷吾召忽奉公子
糾來奔初公孫無知虐于雍廩穀梁傳大
夫弑其君以國氏者嫌也弑而代之也

胡傳

徒按左氏齊侯游于姑蘇遂田于貝丘
死石之紛如死于階下是特書其不見于經
秋重死節之臣而法有特書其不見于經
何也如費等所謂便嬖私暱之臣逢君之
惡田獵畢弋而不脩民事使百姓苦之者
也與大臣孔父仇牧義形於色不畏強禦
以身死其職則異矣當是時管仲隰朋鮑
叔皆沉於下寮不見庸也而徒人費石之
紛如乃得居左右襄公之所踈遠親信者
如此故以齊國之強大一也桓公用之則
九合諸侯不以兵車由親賢人遠小人所
以興也襄公用之不能保其身死于戶下
由親小人遠賢人所以亡也此二人雖死

五

于難與自經於溝瀆而莫之知者猶不
逮焉乃致亂之臣死不償責又何取乎

丙申二年九年齊桓公小白元年晉縶二十
子儀九曹莊十七陳宣八杞靖春齊人殺無

知左傳九年春雍廩殺無知穀梁傳無知
之挈失嫌也稱人以殺大夫殺有罪也

胡傳

之所稱君已不能稱人者衆辭也無知
不稱君已不能稱人者衆辭也無知

公及齊大夫盟于藐齊其器反公穀作暨左

惡去
音夫
聲扶

曷為與大夫盟齊無君也然則何以不名為
其諱與大夫盟也使若衆然穀梁傳公不及
大夫大夫不名無君也盟納子糾也不日其
盟渝也當齊無君制在公矣當可納而不納

惡去聲

故惡內也

胡傳

及者內為志大夫不名者義繫於齊

大夫盟者譏公之釋父怨親仇讐也或曰

以德報怨寬身之仁何以譏之也曰德有

輕重怨有深淺怨莫甚於父母之仇而德

莫重乎安定其國家而圖其後嗣也有父

之讐而不知怨乃欲以重德報之也則人

倫廢天理滅矣然則如之何以直報怨以

德報德

夏公伐齊納糾

糾入左作納子糾公羊傳納者何

稱公子君前臣名也糾者何公羊傳糾也何

納者猶不能納也糾者何公羊傳糾也何

稱公子君前臣名也糾者何公羊傳糾也何

齊變而後伐故乾時也齊小白入于齊左傳公

之戰不諱敗惡內也

子糾桓公自莒先入公羊傳曷為以國氏當

國也其言入何纂辭也穀梁傳大夫出奔反

以好曰歸以惡曰入齊公孫無知弑襄公公

子糾公子小白不能存出亡齊人殺無知而

迎公子糾於魯故曰齊小白入于齊惡之也

又殺之於魯故曰齊小白入于齊惡之也

胡傳左氏書子糾二傳曰伐齊納糾君子

惡去聲 強上聲

長上聲

相去聲 召音

胡傳

左氏書子糾二傳曰伐齊納糾君子

入者難詞糾不書子者明糾不當立也以

小白繫齊者明小白宜有齊也所以然者

襄公見殺糾與小白皆以庶子出奔而糾

弟也又未嘗為世子按史稱周公誅管蔡

以安周齊桓殺其弟以反國是糾幼而小

白長其有齊宜矣宜則何以不稱公子內

無所承上不稟命故以王法絕之也桓公

於王法雖可絕視子糾則當立故管仲相

桓為徙義而聖人稱之曰微管仲吾其被

髮左社矣召忽死於子糾為傷勇比諸匹

夫匹婦之諒自經於溝瀆而莫之知也

秋七月丁酉葬齊襄公○八月庚申及齊師

戰于乾時我師敗績乾音于左傳師及齊師

喪戎路傳乘而歸秦子梁子以公旗辟于下道是以皆止公羊傳內不言敗此其言敗何

伐敗也曷為伐敗復讐也此復讐乎大國曷為使微者公也公則曷為不言公不與公復

讐也曷為不與公復讐復讐者在下也

胡傳內不言敗此其言敗者為與讐戰雖

路傳乘而歸則敗績者公也公本忘親釋

敗亦榮何以不言公敗之也公本忘親釋

然欲納讐人之子謀定其國家不為復讐

與之戰也是故沒公以見敗若以復讐舉

事則此戰為義戰當書公冠于敗績之上

與沙隨之不得見平丘之不與盟為北以

示榮矣惟不以復讐戰也是故諱公以重

貶其忘親釋怨之罪其義深切著明矣

九月齊人取子糾殺之左傳鮑叔帥師來言

之管召讐也請受而并心焉乃殺子糾于生

竇召忽死之管仲請囚鮑叔受之及堂阜而

稅之歸而以告曰管夷吾治於高俟使相可

去聲 喪乘 辟並 去聲

同聲 為去 下

見音 鏡

召音 即 相去 聲

易去 聲 難乘 並去 聲

復扶 又反

胡傳

春秋左傳卷八

卷二

予上聲

見音現

不當殺也或奪或予於義各安春秋精意

也仁人之於兄弟不藏怒焉不宿怨焉親

愛之而已糾雖爭立越在他國置而勿問

而可也必請于魯殺之然後快于心其不仁

亦甚矣後世以傳讓為名而取國者必殺

其主以為一人之心防後患意與此同流毒

豈不遠哉故孟子曰五伯三王之罪

人也仲尼之徒無道桓文之事者

冬浚洙洙音殊公羊傳洙者何水也浚之者

齊辭殺子糾也穀梁傳浚洙者深洙也

洙者深洙也著力不足也

胡傳固國以保民為本輕用民力妄興大

域洞庭彭蠡河漢之險猶不足憑而况洙

乎書浚洙見勞民於守國之末務而不知

本為後戒也

齊師于長勺戰曹劌請見其鄉人曰肉食者

謀之又何間焉劌曰肉食者鄙未能遠謀乃

入見問何以戰公曰衣食所安弗敢專也必

以分人對曰小惠未徧民弗從也公曰犧牲

從乘並去聲

見音現下同去聲

丁酉三年十一年齊桓二晉緡二十一衛惠十

十曹莊十八陳宣九杞靖二春王正月公敗

齊師于長勺戰曹劌請見其鄉人曰肉食者

謀之又何間焉劌曰肉食者鄙未能遠謀乃

入見問何以戰公曰衣食所安弗敢專也必

以分人對曰小惠未徧民弗從也公曰犧牲

玉帛弗敢加也必以信對曰小信未孚神弗

福也公曰小大之獄雖不能察必以情對曰

忠之屬也可以以一戰戰則請從公與之乘戰

春秋左傳卷九

黃憲刊

不日疑戰也疑戰而曰敗勝內也

胡傳

齊師伐魯經不書伐意責魯也詐戰

使去聲

齊師至此所謂敵加於已不得已而後應者也疑若無罪焉何以見責乎善為國者不師善師者不陣善陣者不戰故行使則有文告之詞而疆場則有守禦之備至於善陣德已衰矣而况兵刃相接又以詐謀取勝乎故書魯為主以責之皆已亂之道寡怨之方王者之事也

二月公侵宋

此書侵之始公羊傳曷為或言

惡去聲

戰不言伐圍不言戰入不言圍滅不言入書其重者也穀梁傳侵時此其月何也乃深其怨於齊又退侵宋以衆三月宋人遷宿此遷其敵惡之故謹而月之

復扶又反

始公羊傳遷之者何不通也以地還之也子沈子曰不通者蓋因而臣之也穀梁傳遷亡辭也其不地宿不復見也遷者猶未失其國家以往者也

橫去聲

現見音

雖違害就利去危即安猶或恐沉于衆不肯率從而况迫於橫逆非其所欲棄久宅之田里刈新徙之蓬藿道途之勤營築之勞起怨詒傷和氣豈不惻然有隱乎肆行莫之顧也其不仁亦甚矣凡書遷不再貶而惡已見矣

夏六月齊師宋師次于郎公敗宋師于乘丘

此比音

乘繩證反左傳齊師宋師次于郎公子曰偃曰宋師不整可敗也宋敗齊必還請擊之公弗許自雩門竊出蒙皋比而先犯之公從之大敗宋師于乘丘齊師乃還公羊傳其言次于

春秋公羊傳卷八

黃亮刊

與去聲

憤與同

郎何伐也伐則其言次何齊與伐而不與戰故言伐也我能敗之故言次也穀梁傳次止也畏我也不日疑戰也疑戰而曰敗勝內也

胡傳

齊宋輕舉大衆深入他境肆其報復奉其辭令二國去矣偷得一時之捷而積四鄰之忿此小人之道故次者不以其事勝者不以其理交譏之

秋九月荆敗蔡師于莘以蔡侯獻舞歸

莘所

舞穀作武此荆猾夏之始左傳蔡哀侯娶于陳息侯亦娶焉息媯將歸過蔡蔡侯曰吾媯也止而見之弗賓息侯聞之怒使謂楚文王曰伐我吾求救於蔡而伐之楚子從之秋九月楚敗蔡師于莘以蔡侯獻舞歸公羊傳荆者何州名也州不若國國不若氏氏不若人

為其去聲

人不若名名不若字字不若子蔡侯獻舞何以名絕曷為絕之獲也曷為不言其獲不與夷狄之獲中國也穀梁傳荆者楚也何為謂之荆狄之也何為狄之聖人立必後至天子弱必先叛故曰荆狄之也蔡侯何以名也絕之也何為絕之獲也中國不言敗此其言敗何也中國不言敗蔡侯其見獲乎其言敗何也釋蔡侯之獲也以歸猶愈乎執也

胡傳

蔡侯何以名絕之也凡書敗書滅書虜故絕之也若蔡獻舞潞嬰兒沈嘉許斯頓辨胡豹曹陽邾益之類是矣國君死社稷正也逃之雖罪猶有恥焉虜甚矣楚人滅夔以夔子歸獨不名者夔子以無罪見討雖國滅身為臣虜其義直其辭初不服也是以獨假之爵而不名也春秋之法諸侯不生名失地則生而名之比於賤者欲使有國之君戰兢兢長守富貴無危溢

使有國之君戰兢兢長守富貴無危溢

行去聲

之行也

冬十月齊師滅譚譚子奔莒

此滅國之始左傳齊侯之出也

過譚譚不禮焉及其入也諸侯皆賀譚又不
至冬齊師滅譚譚無禮也譚子奔莒同盟故
也公羊傳何以不言出
國已滅矣無所出也

胡傳

滅而書奔責不死位也不書出國亡
無所出也國滅身奔而不能守其富

為橫並去聲

貴何以書爵乎已無取滅之罪為橫逆所
加而力不能勝至於出奔則亦不幸焉爾
矣其義蓋未絕也按左氏齊侯之出也過
譚譚不禮焉及其入也諸侯皆賀譚又不
至責其失事大之禮可矣坐此見滅可乎
齊師滅譚譚子奔莒楚人滅弦弦子奔黃
狄滅溫溫子奔衛三國所以皆存其爵不
比於失地之君而名之也然則吳滅徐徐

斷音短

子章羽奔楚何以獨名按左氏吳伐徐徐
子斷其髮携其夫人以逆吳子既已屈服
而後奔豈有與復之志乎獨書名所以絕
之也春秋之義雖在於抑強扶弱又責弱
者之不自強於為善也故其書法如此

戊戌 莊王十有一年 齊桓三 晉緡二十二 鄭厲

十入子儀十一曹莊十九陳宣十杞 春王正

靖二十一月 宋閔九 秦武十五 楚文七

為乘丘之役故侵我公禦之宋師未陳而薄

月○夏五月戊寅公敗宋師于郟 郟子斯反
為乘丘之役故侵我公禦之宋師未陳而薄
之敗諸郟凡師敵未陳曰敗某師皆陳曰戰
大崩曰敗績得僇曰克覆而敗之曰取某師
京師敗曰王師敗績于某穀梁傳內事不言
戰舉其大者其曰成秋宋大水左傳秋宋大
敗之也宋萬之獲也

春秋左傳卷九

姚全

聲盛平

悅說音

恭共音

曰天作淫雨害於粢盛若之何不弔對曰孤實不敬天降之災又以爲君憂拜命之辱滅文仲曰宋其興乎禹湯罪已其興也博焉桀紂罪人其亡也忽焉且列國有凶稱孤禮也言懼而名禮其庶乎既而聞之曰公子御說之辭也臧孫達曰是宜爲君有恤民之心公羊傳何以書記災也外災不書此何以書及我也穀梁傳外災不書此何以書王者之後也高下有水災曰大水

胡傳

凡外災告則書所謂災者害及民物如水火兵戎之寇是也諸侯於四鄰

有恤病救急之義則告爲得禮而不可以不弔故四國同災許人不弔君子以是知許之先亡也凡志災見春秋有謹天戒恤民隱之心王者之事也

冬王姬歸于齊

左傳冬齊侯來逆共姬公羊傳何以書過我也穀梁傳其

志過我也

胡傳

按周制王姬嫁於諸侯車服不繫其夫下王后一等禮亦隆矣春秋之義

尊君抑臣其書王姬下嫁曷爲與列國之女同辭而不異乎曰陽倡而陰和夫先而婦從天理也述天理訓後世則雖以王姬之貴其當執婦道與公侯大夫士庶人之女何以異哉故舜爲匹夫妻帝二女而其書曰嬪于虞西周王姬嫁於齊侯亦執婦道成肅雍之德其詩曰曷不肅雍王姬之車自秦而後尤欲尊君抑臣爲治而不得其道至謂列侯尚公主使男事女夫屈於婦逆陰陽之位故王陽條奏世務指此爲失而長樂王回亦以其弊至父母不敢畜其子舅姑不敢畜其婦原其意雖欲尊君抑臣爲治而使人倫悖於上風俗壞於下又豈所以爲治也其流至此然後知春秋

和去聲 妻去聲 嬪去聲 反 卑賓

樂音 洛音 許六 同反下

乘去聲射亦長反上聲

書工姬侯女同詞而不異垂訓之義大矣

附錄 左傳乘丘之役公以金僕姑射南宮長萬公右歆孫生搏之宋人請之宋

公靳之曰始吾敬子今子魯囚也吾弗敬子矣病之

己亥 莊王十有二年 齊桓四晉緡二十三衛惠十八蔡哀十三鄭厲

十九子儀十二曹莊二十陳宣十一杞春王靖二十二宋閔十弒秦武十六楚文八

三月紀叔姬歸于鄫 公羊傳其言歸于鄫何隱之也何隱爾其國亡矣徒歸于叔爾也穀梁傳國而曰歸此邑也其曰歸何也吾女也失國喜得其所故言歸

爾焉

胡傳 莊公四年紀侯去國叔姬至此始歸于鄫者紀侯方卒故叔姬至此然後

歸爾歸者順詞以宗廟在鄫歸奉其祀也魯為宗國婦人有來歸之義紀既亡矣不歸于魯所謂全節守義不以亡故而虧婦道者也魯人高其節義恩禮有加焉是故其歸于鄫其卒其葬史冊悉書夫子脩經存而弗削使與衛之共姜同垂不朽為後世勸若夏侯令女曹爽之弟婦也寡居守志父母欲奪而嫁之誓而弗許而曰曹氏全盛之時尚欲保終况今衰亡何忍棄之聞者為之感動其聞叔姬之風而興起者乎

恭共音

聲為去

夏四月○秋八月甲午宋萬弒其君捷及其

大夫仇牧 捷公作接左傳宋萬弒閔公于蒙澤遇仇牧于門批而殺之遇大宰

督于東宮之西又殺之立子游羣公子奔蕭公子御說奔亳南宮牛猛獲帥師圍亳公羊

大音泰

舍上聲

人音

惡平聲

著直略反

傳及者何累也弒君多矣舍此無累者乎孔
 父荀息皆累也舍孔父荀息無累者乎曰有
 有則此何以書賢也何賢乎仇牧仇牧可謂
 不畏疆禦矣其不畏疆禦奈何萬嘗與莊公
 戰獲乎莊公莊公歸散舍諸宮中數月然後
 歸之歸反為大夫於宋與閔公博婦人皆在
 側萬曰甚矣魯侯之淑魯侯之美也天下諸
 侯宜為君者唯魯侯爾閔公矜此婦人如其
 言顧曰此虜也爾虜焉故魯侯之美惡乎至
 萬怒搏閔公絕其脰仇牧聞君弒趨而至遇
 之于門手劍而叱之萬臂毀仇牧碎其首齒
 著乎門闔仇牧可謂不畏疆禦矣穀梁傳宋
 大夫仇牧以尊及卑者以國氏及其
 大夫仇牧以尊及卑者以國氏及其

胡傳

君弒而大夫死於其難春秋書之者
 其所取也大夫死於其難春秋書之者
 其所取也大夫死於其難春秋書之者
 其所取也大夫死於其難春秋書之者
 其所取也大夫死於其難春秋書之者
 其所取也大夫死於其難春秋書之者
 其所取也大夫死於其難春秋書之者
 其所取也大夫死於其難春秋書之者
 其所取也大夫死於其難春秋書之者
 其所取也大夫死於其難春秋書之者
 其所取也大夫死於其難春秋書之者

難去聲 上聲 大音 泰

召音 邵

馬音 烟 為去聲

潮朝音

無益於事也亦足取乎食焉不避其難義
 也徒殺其身不能執賊亦足為求利焉而
 逃其難者之訓矣何名為無益哉夫審事
 物之重輕者權也權重輕而處之得其宜
 者義也大宰督亦死於閔公之難削而不
 書者身有罪也惠伯死於子惡之難亦削
 而不書者非君命也召忽死於子糾之難
 孔子比於匹夫匹婦之諒自經於溝瀆而
 莫之知者所事不正也崔杼弒君晏平仲
 曰人有君而人弒之吾焉得死之而焉得
 亡之君子不以是罪晏子者齊莊公不為
 社稷死而晏子非其私昵之臣也若仇牧
 荀息立乎人之本朝執國之政而君見弒
 不以其私也雖欲勿死焉得而勿死聖人
 書而弗削以為求利焉而逃其難者之勸
 也惟此義不行然後有視棄其君猶土梗
 弁髦曾莫之省
 而三綱絕矣

春秋左傳卷八

歸

冬十月宋萬出奔陳

左傳冬十月蕭叔大心及戴武宣穆莊之族以

曹師伐之殺南宮牛于師殺子游于宋立桓公猛獲奔衛南宮萬奔陳以乘車輦其母一

日而至宋人請猛獲于衛衛人欲勿與石祁子曰不可天下之惡一也惡於宋而保於我

保之何補得一夫而失一國與惡而棄好非謀也衛人歸之亦請南宮萬于陳以賂陳人

使婦人飲之酒而以犀革裹之比及宋手足皆見宋人皆醢之

好去聲 飲去聲 必二反 音現

胡傳

按左氏宋萬弑閔公于蒙澤奔陳未人請萬于陳以賂陳人使婦人飲之

酒而以犀革裹之宋人醢萬然則賊已討矣曷為不書陳人殺萬而葬閔公乎夫天

下之惡一也陳人使婦人飲之酒是與賊為受宋人之賂而使婦人飲之酒是與賊為

黨非政刑也特書萬出奔陳而不能正天討以著陳人與賊為黨之罪而

其法嚴矣故曰春秋成而亂臣賊子懼

子儀十三年十有三年齊桓五晉緡二十四衛惠

子卒宋桓公御說元年秦武十七楚文九

春齊侯宋人陳人蔡人邾人會于北杏

齊侯穀作

齊人左傳春會于北杏以平宋亂遂人不至穀梁傳是齊侯宋公也其曰人何也始疑之

何疑焉桓非受命之伯也將以事授之者也曰可矣乎未乎舉人眾之辭也

胡傳

桓何以及四國之微者會是宋公邾子也然則何以稱人春秋之世以諸

襄晉文楚莊秦穆交主夏盟跡此而為之

者也桓非受命之伯諸侯自相推戴以為盟主是無君矣故四國稱人以誅始亂正

王法也齊侯稱爵其與之乎上無天子下無方伯有能會諸侯安中國而免民於左

夏六月齊人滅遂

左傳夏齊人滅遂而戍之穀梁傳遂國也其不日微

也國

胡傳

滅國之與見滅罪孰為重取國而書

宗廟使不得奉其祭祀非至不仁者莫之忍為見滅而書滅亡國之善詞上下之同力也其亦不幸焉爾語有之曰興滅國繼絕世天下之民歸心焉今乃滅人之國而絕其世罪莫重矣齊人滅遂其稱人微者爾凡書滅者不待再貶而惡已見

現見音

秋七月○冬公會齊侯盟于柯

左傳冬盟于柯始及齊平

聲易去

也公羊傳何以不日易也其易奈何桓之盟不日其會不致信之也其不日何以始乎此

莊公將會乎桓曹子進曰君之意何如莊公曰寡人之生則不若死矣曹子曰然則君請

當其君臣請當其臣莊公曰諾於是會乎桓

莊公升壇曹子手劍而從之管子進曰君何

求乎曹子曰城壞歷竟君不圖與管子曰然

則君將何求曹子曰願請汶陽之田管子顧

曰君許諾桓公曰諾曹子請盟桓公下與之

盟已盟曹子標劍而去之要盟可犯而桓公

不欺曹子可讐而桓公不怨桓公之信著乎天下自柯之盟始焉穀梁傳曹蒧之盟也信齊侯也桓盟雖內與不日信也

胡傳

始及齊平也世讐而平可乎於傳有之敵惠敵怨不在後嗣魯曾於襄公有

聲與平

聲傳去

背音

不共戴天之讐當其身則釋怨不復而主
王姬符于襍會伐衛同圍邾納子糾故聖
人詳加譏貶以著其忘親之罪今易世矣
而桓公始合諸侯安中國攘夷狄尊天王
乃欲脩怨怒鄰而危其宗社可謂孝乎故
長勺之役專以責魯而柯之盟公與齊侯
皆書其爵則以為釋怨而平可也或稱齊
襄公復九世之讐而春秋賢之信乎以仲
尼所書柯之盟其辭無貶則復九世之讐
而春秋賢之者妄矣其諸傳者借襄公事
以深罪魯莊當
其身而釋怨耶

附錄

左傳宋人背
北杏之會

辛丑

僖王十有四年

齊桓六晉緡二十五衛惠

一子儀十四弒曹莊二十二陳宣十三春齊
杞共公元年宋桓二秦武十八楚文十

人陳人曹人伐宋

背音
博將
去聲

胡傳

宋人背北杏之會諸侯伐宋其稱人
者將卑師少也齊自管仲得政滅譚

之後二十年間未嘗遣大夫為主將亦未
嘗動大衆出侵伐蓋以制用兵而賦於民
薄矣故能南摧強楚西抑秦晉天下莫
能與之爭也或以為聚齊稱人誤矣

夏單伯會伐宋

左傳春諸侯伐宋齊請師于
周夏單伯會之取成于宋而

還公羊傳其言會伐宋何後

胡傳

隱公四年諸侯伐鄭鞏帥師會伐則
再舉宋陳蔡衛四國之名今諸侯伐

復扶
又友

宋而單伯會伐不復再舉三國之名何也
宋人背北杏之會合諸侯而伐之者齊桓
公也會伐者無貶焉故其辭平主謀伐鄭
而欲求寵於諸侯以定其位者州吁也會

殺去

見音

舍上

須音

斲反

石

拓音

之者黨逆賊矣故其辭繁而不殺疾之也
再舉而列書者甚疾四國之詞也言之不
足故再言之而
聖人之情見矣

附錄

左傳鄭厲公自櫟侵鄭及大陵獲傅
瑕傅瑕曰苟舍我吾請納君與之盟

而赦之六月甲子傅瑕殺鄭子及其二子
而納厲公初內蛇與外蛇鬪於鄭南門中
內蛇死六年而厲公入公聞之問於申繻
曰猶有妖乎對曰人之所忌其氣燄以取
之妖由人興也人無釁焉妖不自作人棄
常則妖興故有妖厲公入遂殺傅瑕使謂
原繁曰傅瑕貳周有常刑既伏其罪矣納
我而無貳心者吾皆許之上大夫之事吾
願與伯父圖之且寡人出伯父無裏言入
又不念寡人寡人憾焉對曰先君桓公命
我先人典司宗祏社稷國內之主而外其
何貳如之苟主社稷國內之民其誰不為

緝計反

並去

易鄉

聲

秋七月荆入蔡

左傳蔡哀侯為莘故繩息媯
以語楚子楚子如息以食入

享遂滅息以息媯歸生堵敖及成王焉未言
楚子問之對曰吾一婦人而事二夫縱弗能

死其又奚言楚子以蔡侯滅息遂伐蔡秋七
月楚入蔡君子曰商書所謂惡之易也如火

之燎于原不可鄉邇其猶可撲滅者其如蔡
哀侯乎穀梁傳荆者楚也其曰荆何也州舉

之也州不如國國
不如名名不如字
○冬單伯會齊侯宋公衛

侯鄭伯于鄆

單音善鄆音綸左傳冬會于鄆
宋服故也穀梁傳復同會也

春秋四傳卷之八

宋昭公十四年春齊侯宋昭公十四年春齊侯宋昭公十四年春齊侯

春秋四傳卷之九

莊公三

壬僖王十有五年齊桓七 晉緡二十六 衛惠

寅三年曹莊二十三 陳宣十四 杞共 春齊侯宋

公陳侯衛侯鄭伯會于鄆左傳春復會焉齊

也同會 ○夏夫人姜氏如齊穀梁傳婦人既嫁

也 ○秋宋人齊人邾人伐郕鄭公作兒左傳

胡傳伯者之先諸侯專征也非伯者而先

于幽天下與之然後成乎伯矣諸侯主兵也此齊桓之師何以序宋

復扶又反

為去聲

伯與此後霸放同

問去

聲傳去

鄭人侵宋

左傳鄭人間之而侵宋

胡傳

曰侵伐之義三傳不同左氏曰有鐘鼓

為聲罪致討曰伐無鐘鼓曰侵先儒或非其說以

易之者也然考諸五經皆稱侵伐在易謙

之六五曰利用侵伐征不服也書之泰誓

曰我武惟揚侵于之疆詩之皇矣曰依其

在京侵自阮疆周官大司馬以九伐之法

正邦國而曰賊賢害民則伐之負固不服

則侵之而以為無名行師可乎然則或曰

侵或曰伐何也聲罪致討曰伐潛師掠境

謂正也潛師者銜枚卧鼓出人不意兵法

所謂奇也

冬十月

齊桓八年晉緡二十七年滅武

二蔡哀十七鄭厲二十三曹莊二十四陳宣

十五年杞共三宋桓四秦武二十楚文十二

春王正月○夏宋人齊人衛人伐鄭

南此爭鄭於是

始左傳諸侯○秋荆伐鄭

左傳鄭伯自櫟入

為去 聲 與音 預 共平 聲

附錄

左傳鄭伯治與於雍糾之亂者九月

三年而復之曰不可使共叔無後於鄭使

以十月入曰良月也就盈數焉君子謂強

鉏不能衛其足

冬十有二月會齊侯宋公陳侯衛侯鄭伯許

男滑伯滕子同盟于幽

公作公會許男下公穀有曹伯左傳冬同

盟于幽鄭成也公羊傳同盟者何同欲也穀

梁傳同者有同也同尊周也不言公外内察

胡傳

會者公也不書公諱也其諱公何也程氏曰齊桓始霸仗義以盟而魯首

惡去聲

叛盟故諱不稱公惡失信也其曰同盟何也程氏曰上無明王下無方伯列國交爭

桓公始霸天下與之故書同盟志同欲也自古皆有死民無信不立故聖人以信易

食答子貢之問君子以信易生重桓王之失春秋之諱公與是盟也豈不以信之重

於生與食乎先儒或以為不書公者諱與讐盟誤矣果以桓為讐而諱與盟者曷不

於柯之盟諱之也

與去聲與食如字皆同

諱之也

邾子克卒

穀梁傳其曰子進之也

附錄

左傳王使魏公命曲沃伯以一軍為晉侯。初晉武公伐夷執夷詭諸薦

國請而免之既而弗報故子國作亂謂晉人曰與我伐夷而取其地遂以晉師伐夷

殺夷詭諸周公忌父出奔魏惠王立而復之

奔魏惠王立而復之

甲辰年崩五十有七年

齊桓九晉武三十九卒衛惠二十三蔡哀十八

鄭厲二十四曹莊二十五年陳宣十六杞共四宋桓五秦德公元年楚文十三

春齊

人執鄭詹

詹公作瞻下同左傳鄭不朝也公羊傳鄭瞻者何鄭之微者也此鄭

之微者何言乎齊人執之書甚佞也穀梁傳人者衆辭也以人執與之辭也鄭詹鄭之卑

者卑者不志此其志何也以其逃來志之也逃來則何志焉將有其末不得不錄其本也

惡去 聲朝 同朝 音朝

領鳥 納反

飲去 聲下 同聲

鄭詹鄭之 佞人也

胡傳

書齊人執詹惡齊之詞也鄭既侵宋其見執宜矣而以惡齊何也以責人之心責已則盡道以愛已之心愛人則盡仁此春秋待齊之意也

夏齊人殲于遂

殲子廉反公作濊左傳夏遂因氏領氏工婁氏須遂氏饗

齊戍醉而殺之齊人殲焉公羊傳濊者何濊積也衆殺戍者也穀梁傳殲者盡也然則何為不言遂人盡齊人也無遂之辭也無遂則何為言遂其猶存遂也存遂奈何曰齊人滅遂使人戍之遂之因氏飲戍者酒而殺之齊人殲焉此謂狎敵也遂之餘民

胡傳

殲盡也齊滅遂使人戍之齊人殲焉春秋書

夫音 扶

此者見齊人滅遂恃強陵弱非伐罪弔民之師遂人書滅乃亡國之善辭上下之用力也夫以亡國餘民能殲強齊之戍則申胥一身可以存楚楚雖三戶可以亡秦固而有是理足為強而不義之戒而弱者亦可省身而自立矣

秋鄭詹自齊逃來

公羊傳何以書書甚佞也佞人來矣佞人來矣穀

梁傳逃 義曰逃

胡傳

穀梁子曰逃義曰逃逃者匹夫之事詹之見執若其有罪雖死可也儻曰

無罪苟見免焉請從惠於會使諸侯聞之則不辱君命矣不能以理自明也而反效匹夫之行遁逃苟免越在他國不亦賤乎特書曰逃以著其幸免而不知命之罪也齊桓始霸同盟于幽而魯首叛盟受其逋逃虧信義矣書自齊逃來又以罪魯也

聲遠去

冬多麋公羊傳何以

胡傳也故書此亦禹放龍蛇周公遠犀象

之意也害稼則及人矣

乙元年十有八年齊桓十晉獻公僖諸元年

萬二十五曹莊二十六陳宣十七蔡哀十九鄭

潮朝音

日有食之穀梁傳不言日不言朔夜食也何

為天子必有尊也貴為諸侯必有長也故天子朝日諸侯朝朔

角穀音

附錄左傳春魏公晉侯朝王王饗醴命之

諸侯名位不同禮亦異數不以禮假人○

為去聲下同

夏公追戎于濟西左傳不言其來諱之也公

追何大其為中國追也此未有伐中國者則

其言為中國追何大其未至而豫禦之也其

言于濟西何大之也穀梁傳其不言戎之伐

我何也以公之追之不使戎適於我也于濟

西者大之也何大焉為公之追之也

杜土音

胡傳此未有言侵伐者而書追戎是不覺

戎心而不知警危道也春秋之意其

秋有蝥何文作蝥音域左傳為災也公羊傳

有蝥射人者也

扶入音

朝音

長上聲下

處上聲下

胡傳

盛魯所無也故以有書夫以舍沙射人其為物至微矣魯人察之以聞于朝魯史異之以書于策何也山陰陸佃曰盛陰物也麋亦陰物也是時莊公上不能防閑其母下不能正其身陽淑消而陰慝長矣此惡氣之應其說是也然則籀詔作而鳳凰來儀春秋成而麟出於野何足怪乎春秋書物象之應欲人主之慎所感也世衰道微邪說作正論消小人長善類退天變動於上地變動於下禽獸將食人而不知懼也亦昧於仲尼之意矣

冬十月

附錄

左傳初楚武王克權使鬬緡尹之以叛圍而殺之遷權於那處使鬬敖尹之及文王即位與巴人伐中而驚其師巴人叛楚而伐那處取之遂門于楚闕放游

涌而逸楚子殺之其族為亂冬巴人因之以伐楚

丙午二年十有九年齊桓十一晉獻二衛惠二

六曹莊二十七陳宣十八杞共六春王正月

附錄

左傳春楚子禦之大敗於津還鬻拳弗納遂伐黃敗黃師于階陵還及秋有疾夏六月庚申卒鬻拳葬諸夕室亦自殺也而葬於經皇初鬻拳強諫楚子楚子弗從臨之以兵懼而從之鬻拳曰吾懼君以兵罪莫大焉遂自刎也楚人以為大閹謂之太伯使其後掌之君子曰鬻拳可謂愛君矣諫以自納於刑刑猶不忘納君於善

踏在亦反

夏四月○秋公子結媵陳人之婦于鄆遂及

併去聲

為去聲

竟古聲

境字聲

碎音聲

平聲

數入聲

與去聲

與如字

齊侯宋公盟

公羊傳媵者何諸侯娶一國則二國往媵之以姪娣從姪者何

兄之子也娣者何弟也諸侯壹聘九女諸侯不再娶媵不書此何以書為其有遂事書大

夫無遂事此其言遂何聘禮大夫受命不受辭出竟有可以安社稷利國家者則專之可

也穀梁傳媵淺事也不志此其志何也辟要盟也何以見其辟要盟也媵禮之輕者也盟

盟也何以見其辟要盟也媵禮之輕者也盟國之重也以輕事遂乎國重無說其曰

陳人之婦略之也其不日數渝惡之也

胡傳媵淺事陳人微者公子往焉是以所

王者之後盟國之大事也大夫輒與焉是以所輕當乎禮之重者也禮者不失已亦

不失人失已與人寇之招也是故結書公子而曰媵陳人之婦譏其重以失已也齊

宋書爵而曰遂譏其輕以失人也不受辭出境有可事之詞聘禮大夫受命不受辭

使去聲

以安社稷利國家則專之可也謂本有此命得以便宜從事特不受專對之辭爾若

夫人姜氏如莒

穀梁傳婦人既嫁不踰竟踰竟非正也

附錄

左傳初王姚嬖於莊王生子頹子頹有寵焉國為之師及惠王即位取焉

國之圃以為園邊伯之宮近於王宮王取之王奪子禽祝跪與詹父田而收膳夫之

秩故焉國邊伯石速詹父子禽祝跪作亂因蘇氏。秋五大夫奉子頹以伐王不克

出奔溫蘇子奉子頹以奔衛衛師燕師伐周冬立子頹

冬齊人宋人陳人伐我西鄙

此見伐之始穀梁傳其曰鄙遠

難夫
去聲

為難
好並
去聲
予上
聲

之也其遠之何也
不以難邇我國也

胡傳

奉詞曰伐其籬人將卑師少也結方
與二國盟則其來伐我何也齊桓始

霸責魯不恭所謂失已與人以招寇也或
以結能為魯設免難之策為齊宋畫講好
之計身在境外而權其國家
為春秋予之故稱公子非矣

丁未

惠王二十年齊桓十二年晉獻三衛惠二十

七年曹莊二十八陳宣十九杞共七年春王二月

宋桓八秦宣二楚堵敖熊難元年

夫人姜氏如莒
穀梁傳婦人既嫁不
踰竟踰竟非正也

胡傳

十有五年夫人姜氏如齊至是再如
莒而春秋書者禮義天下之大防也

其禁亂之所由生猶坊止水之所自來也
衛女嫁於諸侯父母終思歸寧而不得

別必
列反

燕平
聲處
上聲

樂音
洛下
同夫
音扶

泉水賦許穆夫人閔衛之亡思歸唁其兄
而阻於義故載馳作聖人錄於國風以訓
後世使知男女之別自遠於禽獸也今夫
人如齊以寧其父母而父母已終以寧其
兄弟又義不得宗國猶爾而况如莒乎婦
人從人者也夫死從子而莊公失子之道
不能防閑其母禁亂之所由生故初會于
糒次享于祝丘又次如齊師又次會于防
于穀又次如齊又再如莒此以舊坊為無
所用而廢之者也是以至此極觀春秋所
書之法則知防閑之道矣

附錄

左傳春鄭伯和王室不克執燕仲父
夏鄭伯遂以王歸王處於櫟秋王及

鄭伯入于鄆遂入成周取其寶器而還冬

王子頹曰寡人聞之哀樂失時殃咎必至今
王頹歌舞不倦樂禍也夫司寇行戮君

為去聲奸音干

為之不舉而况敢樂禍乎奸王之位禍孰大焉臨禍忘憂憂必及之盍納王乎虢公

日寡人之願也

夏齊大災

公羊傳大災者何大瘠也大瘠者何痢也何以書記災也外災不書

此何以書及我也穀

梁傳其志以甚也穀 ○秋七月 ○冬齊人伐

戎戎穀作戎

戊申 惠王二十有一年

齊桓十三 晉獻四 衛惠二

十八卒曹莊二十九陳宣二十杞

春王正月

○夏五月辛酉鄭伯突卒

左傳二十一年春齊命于弭夏同伐

王城鄭伯將王自闕門入虢叔自北門入殺王子頹及五大夫鄭伯享王于闕西辟樂備

王與之武公之略自虎牢以東原伯曰鄭伯效尤其亦將有外五月鄭厲公卒

胡傳

杜預稱莊公四年鄭伯遇於垂者乃子儀也而以爲厲公者按春秋突歸

于鄭之後其出奔蔡入于櫟皆以名書猶繫於爵雖篡而實君雖君而實篡不沒其

實也忽雖世子其出奔猶不能君也而况子歸猶不得稱伯以其實不能君也

儀雖乘間得立其爲君微矣豈敢輕去國都與諸侯會于外乎故知遇於垂者乃厲

公也其始終書爵不沒其實也亦可以爲居正而不能保者之戒矣

秋七月戊戌夫人姜氏薨

穀梁傳婦人弗目也

附錄

左傳王巡虢守虢公爲王宮于玆王與之酒泉鄭伯之享王也王以后之

鞏鑑予之虢公請器王予之爵鄭伯由是始惡於王冬王歸自虢

守去聲 璠項去聲 反予去聲 惡去聲

問去聲

冬十有二月葬鄭厲公

配 惠王二十有二年 齊桓十四 晉獻五 衛惠

捷元年曹莊三十 陳宣四 楚堵敖三 春王正

月肆大眚 所景反公作省公羊傳肆者何以

書譏何譏爾譏始忌省也 殺梁傳肆失也

眚災也 災紀也 失故也 為嫌天子之葬也

胡傳 肆眚者蕩滌瑕垢之稱也 舜典曰眚

罪呂刑曰五刑之疑有赦五罰之疑有赦

周官司刺掌赦宥之法壹宥曰不識再宥

曰過失三宥曰遺忘壹赦曰幼弱再赦曰

老耄三赦曰蠢愚未聞肆大眚也 大眚皆

肆則廢天討 國典縱有罪虐無辜惡人

幸以免矣 後世有姑息為政 數行恩宥 惠

天奸軌賊良民而其弊益滋 蓋流於此故諸

葛孔明曰治世以大德不以小惠 其為政

於蜀軍旅數興而赦不妄下 蜀人久而歌

思 猶周人之思召公也 斯得春秋之旨矣

刺肆眚而曰大 豈其小 豈其大 豈其小 豈其大

君也 其曰君何也 以其也 公羊傳文姜者何 莊公

音幸行 遜孫音

音朔數 邵召音

為去 聲

忘音 妄音 勅音 反音 數音 下同

陳人殺其公子御寇

御音禦 公穀作禦 此書 專殺之始 左傳春陳人

胡傳

文姜之行甚矣 而用小君之禮 其無

書哀姜薨于夷齊 人以歸 攷之則譏小君

典禮當謹之於始 而後可正也 文姜已歸

為國君母 臣子致送終之 禮雖欲賤之 不可得矣

張文王

乘飲 並去 音洛 聲去 妻去 音下 妻如 少去 聲

殺其太子御寇陳公子完與顓孫奔齊顓孫
自齊來奔齊侯使敬仲為卿辭曰羈旅之臣
幸若獲宥及於寬政赦其不閑於教訓而免
於罪戾弛於負擔君之惠也所獲多矣敢辱
高位以速官謗請以死告詩云翹翹車乘招
我以弓豈不欲往畏我友朋使為工正飲桓
公酉祭公曰以火繼之辭曰臣卜其晝未卜
其夜不敢君子曰酒以成禮不繼以淫義也
以君成禮弗納於淫仁也初懿氏卜妻敬仲
其妻占之曰吉是謂鳳凰于飛和鳴鏘鏘有
媯之後將育于姜五世其昌並于正卿八世
之後莫之與京陳厲公蔡出也故蔡人殺五
父而立之生敬仲其少也周史有以周易見
陳侯者陳侯使筮之遇觀三三之否三三曰是謂
觀國之光利用賓于王此其代陳有國乎不
在此其在異國非此其身在此其子孫光遠而
自他有耀者也坤土也巽風也乾天也風為
天於土山山也亦有山之材而照之以天光於

著入 音大 音泰

是乎居士上故曰觀國之光利用賓于王庭
實旅百奉之以玉帛天地之美具焉故曰利
用賓于王猶有觀焉故曰其在後乎風行而
著於土故曰其在異國乎若在異國必姜姓
也姜大嶽之後也山嶽則配天物莫能兩大
陳衰此其昌乎及陳之初亡也陳桓子始大
於齊其後亡也成子得政穀梁傳言公子而
不言大夫公子未命為大夫也其曰公子何
也公子之重視大
夫命以執公子

與夫 同聲 下

胡傳

國或稱人何也稱君者獨出於其君

之意而大夫國人有不與焉如晉侯殺其
世子申生之類是也稱國者國君大夫與
聞其事而不請於天子如鄭殺其大夫申
侯之類是也稱人者有二義其一國亂無
政眾人擅殺而不出於其君則稱人如陳
人殺其公子御寇之類是也其一弑君之

春秋左傳卷九

金

背音 佩傳 惡並 斷去聲 見音 現

賊人人所得討背叛之臣國人之所同惡
則稱人如衛人殺州吁鄭人殺良霄之類
是也攷於傳之所載以觀經
之所斷則罪之輕重見矣

夏五月○秋七月丙申及齊高傒盟于防音傒

奚公羊傳齊高傒者何貴大夫也曷為就吾
微者而盟公也公則曷為不言公諱與大夫

盟也穀梁傳不冬公如齊納幣公羊傳納幣
言公高傒伉也

書譏何譏爾親納幣非禮也穀梁傳納幣大
夫之事也禮有納采有問名有納徵有告期

四者備而後娶禮也公之
親納幣非禮也故譏之

胡傳微者名姓不登於史冊高傒齊之貴
其不言公諱與高傒盟也來議結昏娶仇

人女大惡也娶者其為吉下主乎已上主

乎宗廟以為有人之心者宜於此焉
變矣公親如齊納幣則不待貶也

戊寅惠王二十有三年齊桓十五年晉獻六衛惠
曹莊三十一卒陳宣二十二杞惠二

宋桓十一秦宣五楚成王頽元年春公至

自齊公羊傳桓之盟不日其會不致信之也
此之桓國何以致危之也何危爾公一

陳佗 ○祭叔來聘穀梁傳其不言使何也天
也故不與

使也

胡傳穀梁子曰其不言使天子之內臣也
而不正其私交故不與使也祭伯來朝

而不言朝祭叔來聘而不書其爵秩皆所以正人
虎劉卷來討而不書其爵秩皆所以正人

臣之義也人君而明此不容下比之臣人
臣而明此不為私交之計黨錮之禍息矣

比必 二反

劇古 衛反 夫音 扶朝 音朝 長上 聲守 去聲

去上 聲

夏公如齊觀社左傳非禮也曹劇諫曰不可
上下之則制財用之節朝以正班爵之義帥
長幼之序征伐以討其不然諸侯有王王有
巡守以大習之非是君不舉矣君舉必書書
而不法後嗣何觀公羊傳何以書譏何譏爾
諸侯越境觀社非禮也穀梁傳何以書事曰視非
常曰觀觀無事之辭也以是為尸女也無事
不出

胡傳

莊公將如齊觀社曹劇諫曰齊棄太
公之法而觀民於社君為是舉而往

觀之非故業也天子祀上帝諸侯會之受
命焉諸侯祀先公卿大夫佐之受事焉不
聞諸侯之相會祀也君舉
必書書而不法後嗣何觀

附錄

左傳晉桓莊之族偪獻公患之士蔿
曰去富子則群公子可謀也巴公曰

去上 聲

公至自齊

穀梁傳公如往時正也致月○荆

人來聘

楚交中國始此公羊傳荆何以稱人
始能聘也穀梁傳善累而後進之其

曰人何也舉
道不待再

胡傳

荆自莊公十年始見于經十四年入

樂音 洛

見形 句反 惡去 聲

累上 聲

夏不恭故狄之也至是來聘遂稱人者嘉
其慕義自通故進之也朝聘者中國諸侯
之事雖蠻夷而能修中國諸侯之事則不
念其猾夏不恭而遂進焉見聖人之心樂
與人為善矣後世之君能以聖人之心為
心則與天地相似凡變於夷者叛則懲其
不恪而威之以刑來則嘉其慕義而接之
以禮邇人安遠者服矣春秋謹華夷之辨

而荆吳徐越諸夏之變於夷者故書法如此

公及齊侯遇于穀穀梁傳及者內為志相得也蕭叔

朝公公羊傳其言朝公何公在外也穀梁傳微國之君未爵命者其不言來於外也

朝於廟正也於外非正也

胡傳穀齊地蕭叔附庸之君也為禮必當其物與其所而後可以言禮大夫宗

婦觀而用幣則非其物也蕭叔朝公在齊

之穀則非其所也嘉禮不野合而朝公于

外是委之於野矣故禮非其所君子有不

受必反之於正而後止此亦春秋撥亂之

秋丹桓宮楹左傳秋丹桓宮之楹公羊傳何

也穀梁傳禮天子諸侯黜聖大夫倉士黜丹楹非禮也○冬十有一月

曹伯射姑卒○十有二月甲寅公會齊侯盟

于扈音九公羊傳桓之盟不日此何以日危

彼然我然也

胡傳程氏曰遇于穀盟于扈皆為要結姻

夫三十而不娶則非禮矣然天子諸侯十

五而冠者以娶必先冠而國不可久無儲

貳欲人君早有繼體故因以為節也鰥者

老而無妻之稱舜方三十未娶而師錫帝

堯已曰有鰥在下矣妻帝之二女則不告

好報呼 貫冠音反 妻去 聲

當去 聲

為去聲

六載矣以世嫡之正諸侯之貴尚無內主
同任社稷之事何也蓋為文姜所制使必
娶于母家而齊女待年未及故莊公越禮
不顧如此其急齊人有疑如此其緩而遇
于穀盟于扈要結之也娶夫人奉祭祀為
宗廟之主而母言是聽不以大義裁之至
於失時不孝甚矣春秋
詳書于策為後戒也

春秋四傳卷之九

曹伯根故卒○十一月甲寅公會齊宋魯

春秋四傳卷之十

莊公四

辛惠王二十有四年齊桓十六晉獻七衛惠

僖公赤元年陳宣二十二杞惠春王三月初

桓宮楨臣傳春秋刻其楨皆非禮也御孫諫曰

君有共德而若納諸大惡無乃不可乎公羊

傳何以書譏何譏爾刻桓宮楨非禮也穀梁

傳禮天子之楨斷之巖之加密石焉諸侯之

楨斷之巖之大夫斷之士斷本刻楨非正也
夫人所以崇宗廟也取非禮與非正而加之
於宗廟以飾夫人非正也刻桓宮楨丹桓宮
楨斥言桓宮
以惡莊也

惡去聲

御魚 呂反 恭共音

盡子 忍反 惡去 聲

迎去 聲 同聲下

胡傳

公將逆姜氏丹桓宮之楹刻其桷為御孫諫曰儉德之共也侈惡之大也先君有共德而君納諸大惡無乃不可乎自常情觀之丹楹刻桷宜若小失而春秋詳書于策御孫以為大惡何也桓公見殺于齊則不能復而盛飾其宮誇示仇人之女乃有亂心廢人倫悖天道而不知正者也御孫知為大惡而不敢盡言春秋謹禮於微正後世人主之心術者也故詳書于策斥言桓宮以惡莊為後鑒也

葬曹莊公○夏公如齊逆女

公羊傳何以書親迎禮也穀梁

傳親迎恒事也不志此其志何也不正其親迎於齊也

○秋公至自齊

穀梁傳迎者行見諸舍見諸先至非正也

迎去 聲

胡傳

穀梁子曰親迎常事也不志此其志何也不正其親迎於齊也或曰常事不志歲事之常也親迎可以常乎則其說誤矣所謂常者其事非一有月事之常則視朔是也有時事之常則蒐狩是也有歲事之常則郊祀雩祭之類是也有合禮之常則婚姻納幣逆女至歸之類是也凡此類合禮之常則不志矣其志則於禮不合將以為戒者也若夫崩薨卒葬即位之類不以禮之合否而皆書此人道始終之大變也其於親迎異矣

扶夫音

八月丁丑夫人姜氏入

左傳秋哀姜至公羊傳其言入何難也其

惡去 聲

言日何難也其難奈何夫入者內弗受也與公有所約然後入穀梁傳入者內弗受也日入惡入者何用不受也以宗廟弗受也其以宗廟弗受何也娶仇人子弟以薦舍於

前其義不可受也

見音

胡傳

何以不致不可見乎宗廟也姜氏齊襄公之女入者不順之詞以宗廟為

孫去聲 音升 好去聲 幾平聲

弗受也昏義以正始為先而公不與夫人皆至姜氏不從公而入已失夫婦之正弑閔孫邾人之亂兆矣莊公不勝其母越禮踰時俟仇人之女薦舍於宗廟以成好合卒使宗嗣不立弑逆相仍幾至亡國故春秋詳書其事以著莊公不孝之罪為後戒也

戊寅大夫宗婦覲用幣

左傳公使宗婦覲用幣非禮也御孫曰男

別必反

費大者玉帛小者禽鳥以章物也女贄不過榛栗棗脩以告虔也今男女同贄是無別也男女之別國之大節也而由夫人亂之無乃不可乎公羊傳宗婦者何大夫之妻也覲者何見也用者何用者不宜用也見用幣非禮也然則曷用棗栗云乎服脩云乎穀梁傳覲

賈反

惡去聲

見也禮大夫不見夫人不言及不正其行婦道故列數之也男子之贄羔鴈雉膳婦人之贄棗栗鍛脩用幣非禮也用者不宜用者也大夫國體也而行婦道惡之故謹而日之也

胡傳

禮夫人至大夫之妻也公事曰執贄以見

覲徒反

覲見夫人禮也曷為以私言之夫不可見乎宗廟則不可以臨群臣故以私言之

榛側反 別必反

附錄

左傳晉士蔿又與羣公子謀使殺游氏之二子士蔿告晉侯曰可矣不過

二年君必無患

大水○冬我侵曹曹羈出奔陳赤歸于曹

公羊

易去聲祭側反斷丁反亂

聲傳去

傳曹羈者何曹大夫也曹無大夫此何以書賢也何賢乎曹羈戎將侵曹曹羈諫曰戎衆以無義君請勿自敵也曹伯曰不可三諫不從遂去之故君子以為得君臣之義也

胡傳

杜預謂羈蓋曹世子也曹伯已葬猶不稱爵者以微弱不能君故為戎所逐爾赤者曹之庶公子歸易詞也宋人執鄭祭仲而忽出突歸權在宋也戎侵曹而羈出赤歸制在戎也使鄭忽曹羈明而能斷雖有宋戎之衆突赤之孽何緣而起以國儲君副不能自定其位於誰責而可故雖以國氏皆不書爵為居正者之戒

郭公

公羊傳赤歸于曹郭公赤者何曹無赤者蓋郭公也郭公者何失地之君也穀

梁傳赤蓋郭公也何為名也禮諸侯無外歸之義外歸非正也禮

胡傳

郭亡者於傳有之齊桓公之郭問父

如聲去聲下音同扶夫下音同

覲音冀

好去聲

老曰郭何故亡曰以其善善而惡惡也公曰若君子之言乃賢君也何至於亡父老曰

郭君善善不能惡惡不能去所以亡也考其時與事謂之郭亡理或然也夫善善而不能則無貴於知其善惡惡而不能去則無貴於知其善惡惡而不能

去則無貴於知其善惡惡而不能去則無貴於知其善惡惡而不能去則無貴於知其善惡惡而不能去則無貴於知其善惡惡而不能

所以高舉遠引小矣不能行其所知君子

也然則非有能亡爾

壬子 惠王二十有五年

齊桓十七卒魯獻八衛惠八年

四曹僖二陳宣二十四杞惠春陳侯使女叔

來聘女音汝此諸侯交聘之始左傳陳女叔

其不名何也天夏五月癸丑衛侯朔卒

六月辛未朔日有食之鼓用牲于社左傳非

正月之朔慝未作日有食之於是乎用幣于

社伐鼓于朝公羊傳日食則曷為鼓用牲于

社求乎陰之道也以朱絲營社或曰脅之或

日為聞恐人犯之故營之穀梁傳言日言朔

食正朔也鼓禮也用牲非禮也天子救日置

五麾陳五兵五鼓諸侯置三麾陳三鼓三兵

大夫擊門士擊

拆言充其陽也

胡傳按禮諸侯旅見天子入門不得終禮

變人君所當恐懼脩省以答天意而不敢

忽也故夏書曰乃季秋月朔辰弗集于房

瞽奏鼓嗇夫馳庶人走周官鼓人救日月

則詔王鼓大僕凡軍旅田役贊王鼓救日月

月亦如之諸侯用幣于社伐鼓于朝退而

自責皆恐懼脩省以答天意而不敢忽也

朝音 潮音 為去 聲

見賢 遍反 與去 聲

大音 泰

然則鼓用牲于社何以書畿不鼓

于朝而鼓于社又用牲則非禮矣

伯姬歸于杞穀梁傳其不言逆何也

夫來逆名姓已登於史策足以志其失矣

猶書歸者以別於大夫之自逆者也猶書

秋大水鼓用牲于社于門左傳亦非常也凡

日月之肯不鼓公羊傳其言于社于門何于

社禮也于門非禮也穀梁傳高下有水災曰

大水既戒鼓而駭衆用牲可以

處上 聲

附錄左傳晉士蔿使羣公子盡殺游氏之

黃真

別必 列反

羣公子

冬公子友如陳

癸惠王二十有六年齊桓十八年晉獻九年衛懿九年

五曹僖三陳宣二十五把惠春公伐戎春公無

附錄

左傳春晉士蔦為大司空夏士蔦為城絳以深其宮

夏公至自伐戎○曹殺其大夫

此專殺大夫之始公羊傳

何以不名衆也曷為衆殺之不死于曹君者也君死乎位曰滅曷為不言其滅為曹羈諱也此蓋戰也何以不言戰為曹羈諱也傳言大夫而不稱名姓無命大夫也無命大夫而曰大夫賢也為曹羈崇也

與夫同聲下

洩息列反

潮朝音

胡傳

稱國以殺者國君大夫與謀其事不請於天子而擅殺之也義繫於殺則

止書其官曹殺其大夫宋人殺其大夫是也義繫於人則兼書其名氏楚殺其大夫

得臣陳殺其大夫與謀其類是也然殺大夫而曰大夫與謀其事何也與謀其事者

用事之大夫也見殺者不得於君之大夫也所謂義繫於殺者罪在於專殺而見殺

者之是非有不足紀也故止書其官而不錄其名氏也古者諸侯之卿大夫士命于

天子而諸侯不敢專命也其有罪則請于天子而諸侯不敢專殺也及春秋時國無

大小卿大夫士皆專命之而不以告于王朝有罪無罪皆專殺之而不以歸於司寇

無王甚矣五伯三王之罪人而葵丘之會猶曰無專殺大夫故春秋明書干策備大

子之禁也凡諸侯之大夫方其交政中華會盟征伐雖齊晉上卿止錄其名氏至於

聲予上

見殺雖曹莒小國亦書其官或抑或揚或奪或予聖人之大用也明此然後可以司賞罰之權矣

秋公會宋人齊人伐徐

胡傳

按書伯禽嘗征徐戎則戎在徐州之域為魯患舊矣是年春公伐戎秋又伐徐者必戎與徐合兵表裏為魯國之患也故雖齊宋將卑師少而公獨親行其不致者役不淹時而齊人同會則無危殆之憂矣

附錄

左傳秋虢人侵晉冬虢人又侵晉

冬十有二月癸亥朔日有食之

甲寅

惠王二十年二十有七年齊桓十九九晉獻十衛懿二蔡穆八鄭文六曹僖

守去
同聲下

四陳宣二十六杞惠六宋春公會杞伯姬于

洮

徒刀反左傳非事也天子非展義不越竟守諸侯非民事不舉卿非君命不越竟

胡傳

左氏曰會于洮非民事也天子非展義不越境伯姬莊公之女非事而特會于洮愛其女之過而不能節之以禮然後有使自所禁也惟不節之以禮然後有使自擇配如僖公之於季姬而典訓亡矣

夏六月公會齊侯宋公陳侯鄭伯同盟于幽

左傳夏同盟于幽陳鄭服也穀梁傳同者有同也同尊周也於是而後授之諸侯也其授之諸侯何也齊侯得衆也桓會不致安之也桓盟不日信之也信其信仁其仁衣裳之會

十有一未嘗有軟血之盟也信厚也兵車之會四未嘗有大戰也愛民也

惡去聲

與去聲 同強上聲

辟難去聲 同難去聲

胡傳

同盟之例有惡其反覆而書同盟所
欲而書同盟者也凡盟皆小國受命於大
國不得已而從焉者也其有小國願與之
盟非出於勉强者則書同盟所以志同欲
也前此鄭伯嘗貳於齊矣至是齊桓強盛
有伯中國攘夷狄之勢諸侯皆歸之鄭伯
於是焉有畏服之心其得與於盟所欲也
故特書同穀梁子所謂於是而後授之諸
侯是也其授之諸侯齊侯得衆也視他盟
為愈矣

秋公子友如陳葬原仲

左傳非禮也原仲季友之舊也公羊傳原

仲者何陳大夫也大夫不書葬此何以書通
乎季子之私行也何通乎季子之私行辟內
難也君子辟內難而何通乎季子之私行辟內
子慶父公子牙公子友皆莊公之弟也公

復扶又反

子慶父公子牙通乎夫人以魯公季子起而
治之則不得與于國政坐而視之則親親因
不忍見也故於是復請至于陳而葬原仲也
穀梁傳言葬不言卒不葬者也不葬而曰葬
諱出奔也

胡傳

公子友如陳葬原仲私行也人臣以

祭側反 界反 寰音 縣朝 直遙 反朝 反界 反直 遙

縣音 玄 焉於 慶反 下同

通季子之私行而無貶乎曰春秋端本之
書也京師諸夏之表也祭伯以寰內諸侯
而來朝祭叔以王朝大夫而來聘尹氏以
天子三公來告其喪誣上行私表不正矣
是故季子違王制委國事越境而會葬齊
高固莒慶以大夫即魯而圖婚其後陳莊
子死赴喪於魯魯人欲勿哭繆公召縣子
而問焉曰古者大夫東脩之問不出境雖
欲哭焉得而哭諸今之大夫交政於中國
雖欲勿哭焉得而哭未流可知矣春秋

朱重刊

深賤王臣以明始亂備書諸國大夫而無
譏焉則以著其效也凡此皆正其本之意

冬杞伯姬來左傳歸寧也凡諸侯之女歸寧曰如

其出曰歸于某公羊傳其言

胡傳左氏曰歸寧也禮父母在歲一歸寧

姬來者不當來也女子有行遠父母兄弟

春會于洮矣冬又歸魯故知其不當來也

來而必書春秋於男

女往來之際嚴矣

附錄左傳晉侯將伐虢士蒍曰不可虢公

後伐之欲禦我誰與夫禮樂慈愛戰所畜

也夫民讓事樂和愛親哀喪而後可用也

虢弗畜也

亟戰將饑

夫

其接內故不與

夫婦之稱也

胡傳莒慶莒大夫也叔姬莊公女也何以

稱字大夫自逆則稱字為其君逆則

稱女尊卑之別也何以書諸侯嫁

別必

召音

杞伯來朝

公會齊侯于城濮

附錄

且請伐衛以其立子頹也

乙卯惠王二十有八年

齊桓二十晉獻十一

衛懿三蔡穆九鄭文

樂高

七曹僖五陳宣二十七七祀惠春王三月甲寅

七宋桓十六秦宣十楚成六

齊人伐衛衛人及齊人戰衛人敗績左傳春

衛戰敗衛師數之以王命取賂而還公羊傳

言伐何至之日也春秋伐者為客伐者為主

故使衛主之也曷為使衛主之衛未有罪爾

敗者稱師衛何戰以不稱師未得乎師也穀梁

傳於伐與戰安戰也戰衛戰則是師也其曰

人何也微之也何為微之也今授之諸侯而

後有侵伐之事故微之也其人衛何也以其

人齊不可不人衛也衛小齊大其以衛及之

何也以其微之可以言及也其稱人以敗何

也不以師也

敗於人也

胡傳春秋紀兵及者為主齊人舉兵而伐

衛衛人見伐而受兵則其以衛及之

何也按左氏衛嘗伐周立子頹至是王使

召伯廖賜齊侯命且請伐衛則齊人舉兵

乃奉王命聲衛立子頹之罪以討之也為

召音 紹廖 力彫 反

見音 現下 同

將去 聲

大音 泰

文去 聲

附錄

左傳晉獻公娶于賈無子烝於齊姜

於戎大戎狐姬生重耳小戎子夷吾晉

伐驪戎驪戎男女以驪姬歸生奚齊其娣

生卓子驪姬嬖欲立其子賂外嬖梁五與

東關嬖五使言於公曰曲沃君之宗也蒲

葉立

悅說音

與二屈君之疆也，不可以無主。宗邑無主，則民不威疆場，無主則啓戎心。戎之生心，民慢其政，國之患也。若使大子曲沃而重耳夷吾，主蒲與屈，則可以威民而懼戎。且旌君伐使，俱曰狄之廣莫於晉，爲都晉之啓土，不亦宜乎？晉侯說之，夏使大子居曲沃，重耳居蒲，城夷吾，屈羣公子皆歸。唯二姬之子在絳，二五卒與驪姬譖羣公子而立奚齊。晉人謂之二五耦。

夏四月丁未，邾子貜卒。 瑣素。○秋，荆伐鄭。穀

傳 荆者楚也。其公會齊人、宋人救鄭。公、宋人下曰：荆州舉之也。公會齊人、宋人救鄭。公、宋人下。邾人左傳：楚令尹子元欲蠱又夫人爲館於其宮側而振萬焉。夫人聞之泣曰：先君以是舞也習戎備也。今令尹不尋諸仇讐而於未亡人之側，不亦異乎？御人以告子元。子元曰：

將去音現

婦人不忘襲讐我友，忘之秋子元以車六百乘，伐鄭入于桔柣之門。子元闕御疆，闕梧耿之不比爲旆，闕班王孫游王孫喜毀衆車入之。純門及達市縣門，不發楚言而出。子元曰：鄭有人焉，諸侯救鄭，楚師夜遁，鄭人將奔。桐丘謀告曰：楚幕有烏，乃止。穀梁傳：善救鄭也。胡傳：按左氏，楚令尹子元無故以車六百乘，伐鄭入自純門，是陵弱暴寡之師也。故以州舉狄之也。鄭人將奔，桐丘救之，楚師夜遁，是得救急恤鄰之義也。故書救鄭，善之也。齊宋稱人將甲師少桓公，主兵攘夷狄，安中國之事見矣。

冬，築郟。 郟，芒，悲反。公穀作微。左傳：非都也。凡曰築郟，曰城。穀梁傳：山林藪澤之利，所以與民共也。虞之非正也。

胡傳 則書築臺，則書築園，則書築郟。邑而

書築者創作邑也其志不視歲之豐凶而輕用民力於其所不必為也則非人君之

矣心矣

大無麥禾

公羊傳冬既見無麥禾矣曷為先言築微而後言無麥禾諱以凶年

造邑也穀梁傳大者有顧也

胡傳

公惟宮室臺榭是崇是飾費用浸廣

調度不充有司會計歲入之多寡虛實然後知倉稟之竭也故於歲杪而書曰大無

麥禾大無者倉稟皆竭之詞也古者三年耕餘一年之食九年當有九年之積而虛竭

如此所謂寄生之君也民事古人所急食者養民之本不敦其本而肆侈心何以為

國故下書臧孫告糴以病公而戒來世為

國之不

臧孫辰告糴于齊

左傳冬饑臧孫辰告糴于齊禮也公羊傳告糴者何

請糴也何以不稱使以為臧孫辰之私行也曷為以臧孫辰之私行君子之為國也必有

三年之委一年不熟告糴譏也穀梁傳國無三年之畜曰國非其國也一年不升告糴諸

侯告請也糴糴也非其國也一年不升告糴諸侯也國無九年之畜曰不正故舉臧孫辰以為私

行也國無九年之畜曰不正故舉臧孫辰以為私行也無三年之畜曰國非其國也一年不升告糴諸

急無三年之畜曰國非其國也一年不升告糴諸侯相歸粟正也臧孫辰告糴于齊告然後與

之言內之無外交也古者稅什一豐年補敗不外求而上下皆足也雖累凶年民弗病也

非一年不艾而百姓饑君子

胡傳

齊者言如齊則其辭緩告糴于齊則

累上 為去 聲

調徒 會音 檜 積子 賜反

其情急所以譏大臣任國事治名而不治
實之蔽也魯人悅其名而以急病讓夷為
功君子責其實而以不能
務農重穀節用愛人為罪

丙辰 惠王二十有九年 齊桓二十有九 衛懿四 蔡穆十 鄭

文八 曹僖六 陳宣二 十一 楚成七 春新延廐

入公羊傳 新延廐書不時也 凡馬日中而出 日中而

何以書譏何譏爾凶年不脩穀梁傳 延廐者

法廐也其言新有故也 有故則何為書也 古

之君人者必時視民之所勤民勤於力則功

築罕民勤於財則貢賦少民勤於食則百事

廢矣冬築微春新延廐 以其用力為已悉矣

胡傳 高門屈宜曰 曰不時所謂時者非時

勿曲反

輕遣政反

甫父音

日也人固有利不利時前年秦拔宜陽今
年旱君不以此時恤民之急而顧益奢此
所謂時訕舉贏者也故穀梁子曰古之君
人者必時視民之所勤民勤於力則功築
罕民勤於財則貢賦少民勤於食則百事
廢矣大無麥禾告糴于齊冬築郿春新延
廐以其用力為已悉矣

夏鄭人侵許 左傳 凡師有鐘鼓曰 秋有蜚

蜚扶味反 左傳 為災也 凡物不為災不書 公

羊傳 何以書記異也 穀梁傳 一有一亡曰有

○冬十有二月紀叔姬卒

胡傳 紀已滅矣其卒之何見紀侯去國終
不能自立異於古公宜父之去故特
書叔姬卒而不卒紀侯以明其不爭而
去則可能使其民從而不釋則微矣

見下音
同代
才音
反音

城諸及防

左傳書時也凡土功龍見而畢務
戒事也火見而致用水昏正而裁

附錄

左傳樊皮叛王

丁三年三十一年

齊桓二十二晉獻十三衛懿五蔡穆十一鄭文九曹

僖七年陳宣二十九杞惠九宋桓十八秦宣十二楚成八

春王正月

附錄

左傳春王命號公計樊皮夏四月丙辰號公入樊執樊仲皮歸于京師

夏師次于成

左無師字穀梁傳次止也有畏也欲救鄆而不能也不言公恥

不能救鄆也

附錄

左傳四楚公子元歸自伐鄭而處王宮關外師諫則執而梏之○秋申公

穀叔
於音反
烏徒
紆音
舒難
去聲
為去
聲

秋七月齊人降鄆

降戶江反鄆音章公羊傳鄆者何取之也取之則曷為不言取之為桓公

諱也外取邑不書此何以書盡也穀梁傳降者紀之附庸微乎微者也齊人之道肆其

猶下也鄆紀之遺邑也

胡傳

降者脅服之詞前書邾降于齊師意責魯也此言齊人降鄆專罪齊也鄆

者紀之附庸微乎微者也齊人之道肆其強力脅使降附不書鄆降而曰降鄆者以

齊之強故罪之深以鄆之微故責之薄春秋之法扶弱抑強明道義也霸者之政以

強臨弱急事功也故曰五伯三王之罪人仲尼之徒無道桓文之事者

八月癸亥葬紀叔姬

公羊傳外夫人不書葬此何以書隱之也何隱

鄰音 携 反苦圭

燕音 烟

爾其國亡矣徒葬乎叔爾穀梁傳不日卒而日葬閱紀之亡也

胡傳

既卒不歸宗國而歸于鄆所謂秉節守義不以亡故而睽婦道者也故繫之於紀而錄其卒葬先儒謂賢而得書是也賢而得書所以為後世勸也

九月庚午朔日有食之鼓用牲于社○冬公

及齊侯遇于魯濟

濟子禮反左傳冬遇于魯濟謀山戎也以其病燕故

也穀梁傳及者內為志

○齊人伐山戎

公羊傳此

齊侯也其稱人何賤曷為賤子司馬子曰蓋以操之為已蹙矣此蓋戰也何以不言戰春秋敵者言戰桓公之與戎狄驅之爾穀梁傳齊人者齊侯也其曰人何也愛齊侯乎山戎

將去 聲

夫音 扶 燕音 煙

勝平 聲好 去聲

也其愛之何也桓內無因國外無從諸侯而越千里之險北伐山戎危之也則非之乎善也何善乎爾燕周之分予也貢職不至山戎為之代矣

胡傳

齊人者齊侯也其稱人譏伐戎也自管仲得政至是二十年未嘗命大夫

為上將亦未嘗與大眾出侵伐故魯莊十一年而後凡用兵皆稱人者以將卑師少

爾今此安知其非將卑師少而獨以為齊侯何也以此來獻戎捷稱齊侯則知之矣夫

北戎病燕職貢不至桓公內無因國外無從諸侯越千里之險為燕闢地可謂能脩

方伯連帥之職何以譏之乎桓不務德勤兵遠伐不正王法以譏其罪則將開後世

之君勞中國而事外夷捨近政而貴遠略困吾民之力爭不毛之地其患有不勝言

者故特貶而稱人以為好武功而不脩文德者之戒也然則伐楚之役何以美之其

卯音

謂退師召陵責以大義不務交兵而強楚自服乎觀此可以見聖人強本治內柔服遠入之意矣

戊惠王十三年三十有一年齊桓二十三年晉獻十四年衛懿六年蔡穆十二年

鄭文十曹僖八陳宣三十一杞惠十春築臺于

郎公羊傳何以書譏何譏

胡傳何以書厲民也天子有靈臺以候天

地諸侯有時臺以候四時去國築臺于遠而不緣占候是為游觀之所厲民以自樂也厲民自樂而不與民同樂則民欲與之偕亡雖有臺豈能獨樂乎

夏四月薛伯卒○築臺于薛公羊傳何以書譏何譏爾遠也

樂音洛下同

遺去聲

○六月齊侯來獻戎捷左傳非禮也凡諸侯

王王以警于夷中國則否諸侯不相遺俘公羊傳齊大國也曷為親來獻戎捷威我也其

威我奈何旗獲而過我也穀梁傳齊侯來獻捷者內齊侯也不言使內與同不言使也獻戎捷軍得曰捷戎救也

胡傳軍獲曰捷凡諸侯有四夷之功則獻于王王以警于夷中國則否諸侯不相遺俘

相遺俘獻者下奉上之辭齊伐山戎以其所得躬來誇示書來獻者抑之也後世宰

臣有不賞邊功以沮外微生事之人得春秋抑戎捷之意

秋築臺于秦公羊傳何以書譏何譏爾臨國

林藪澤之利且財盡則怨力盡則懟君子危之故謹而志之也或曰倚諸桓也桓外無諸

皮罷音

微吉弔反

為去聲 燕平聲 辟開聲 同惡去聲

侯之變內無國事越千里之險北伐山戎為
燕辟地魯外無諸侯之變內無國事一年罷
民三時虞山林藪 ○冬不雨 公羊傳何以
澤之利惡內也 ○冬不雨 書記異也

巴五年 三十有二年 齊桓二十四 晉獻十
宋桓二十 秦成二 楚成十 春城小穀

鄭文十一 曹僖九 陳宣三十一 杞
惠十一 宋桓二十 秦成二 楚成十 春城小穀

左傳為 ○夏宋公齊侯遇于梁丘 左傳齊侯
管仲也 之故請會于諸侯宋公請先見于齊侯夏遇

于梁丘穀梁傳遇者志相得也梁丘在曹邾
之間去齊八百里非不能從諸侯而

往也辭所遇遇所不遇大齊桓也 附錄 左傳
秋七月有神降于莘惠王問諸

明神降之監其德也將亡神又降之觀其
惡也故有得神以興亦有以亡虞夏商周

皆有其日亦其物也王從之內史過往聞繞
至之命反曰繞必亡矣虛而聽於神神居莘

六月繞公使祝應宗區史囂享焉神賜之
土田史囂曰繞其亡乎吾聞之國將興聽

於民將亡聽於神神聰明正直而壹者也
依人而行國多涼 德其何土之能得

秋七月癸巳公子牙卒 左傳初公築臺臨黨
以夫人言許之割臂盟公生子般焉講于

梁氏女公子觀之圉人犖自牆外與之戲子
般怒使鞭之公曰不如殺之是不可鞭犖有

力焉能投蓋于稷門公疾問後於叔牙對曰
慶父材問於季友對曰臣以死奉般公曰鄉

者牙曰慶父材成季使以君命僖叔待于
臧巫氏使臧季酖之曰飲此則有後於魯國

不然死且無後飲之歸及遠泉而卒立叔孫
樂備

般音 班聲 音洛 掌音 聲去 鄉去

聲去 鄉去

樂備

過古 禾反

為去聲

氏公羊傳何以不稱弟殺也殺則曷為不言
 刺為季子諱殺也曷為為季子諱殺季子之
 過惡也不以為國獄緣季子之心而為之諱
 季子之過惡奈何莊公病將死以病召季子
 季子至而授之以國政曰寡人即不起此病
 吾將焉致乎魯國季子曰般也存君何憂焉
 公曰庸得若是乎牙謂我曰魯一生一及君
 已知之矣慶父也存季子曰夫何敢是將為
 亂乎夫何敢俄而牙弑械成季子和藥而飲
 之曰公子從吾言而飲此則必可以無為天
 下戮矣必有後乎魯國不從吾言而不飲此
 則必為天下戮矣必無後乎魯國於是從其
 言而飲之飲之無僂氏至乎王堤而死公子
 牙今將爾辭曷為與親弑者同君親無將將
 而誅焉然則善之與曰然殺世子母弟直稱
 君者甚之也季子殺母兄何善爾誅不得碎
 兄君臣之義也然則曷為不直誅而醜之行
 誅乎兄隱而逃之使託若以疾死然親親之

馬致 音烟 夫音 扶下 同飲 去聲 下飲 皆如 字 與平 聲碎 去聲

也道

胡傳

牙有今將之心而季子殺之其不言
 刺者公羊以為善之也季子殺母兄
 何善爾誅不得避兄君臣之義也曷為不
 直誅而醜之使託若以疾死然親親之道
 也陸淳曰季子恩義俱立變而得中
 夫子書其自卒以示無譏也得之矣

八月癸亥公薨于路寢

左傳子般即位次子
 黨氏公羊傳路寢者

何正寢也殺梁傳路寢正寢也寢疾居正
 寢正也男子不絕于婦人之手以齊終也

胡傳

趙匡曰君終必於正寢就公卿也大
 位姦之窺也危病邪之伺也若蔽於
 隱是女子小人得行其志矣然則莊公以
 世適承國不為不貴周公之後奄有龜蒙
 不為不强即位三十有二年不為不久薨
 于路寢不為不正而嗣子受禍幾至亡國

同音 奇

幾平 聲

何也大倫不明而宗嗣不定兵柄不分而主威不立得免其身幸矣

冬十月己未子般卒

已未公穀作乙未般音班左傳冬十月己未共

仲使圍人犇賊子般于黨氏成季奔陳立閔公公羊傳子卒云子卒此其稱子般卒何君存稱世子君薨稱子其既葬稱子踰年稱公子般卒何以不書葬未踰年之君也有子則廟廟則書葬無子不廟不廟則不書葬穀梁傳子卒日正也不日故也有所見則日

胡傳

初公築臺臨黨氏見孟子任生子般焉般嘗鞭圍人犇公薨般即位次于黨

氏慶父使犇賊般成季奔陳立閔公昔舜不告而娶恐廢人之大倫以對父母君子以為猶告也莊公過時越禮謬於易基乾坤詩始關雖大舜不告而娶之義甚矣而子般乃孟任之所出也胡能有定乎雖享國日久獲終路寢而嗣子見弑幾至亡國

黨音掌音洛

有國者可不以為戒哉

公子慶父如齊

穀梁傳此奔也其曰如何也諱莫如深深則隱苟有所見

莫如深也

胡傳

子般之卒慶父弑也宜書出奔其曰如齊見慶父主兵自恣國人不能制

般音班音現音去音相音召音聲音邵音夷音釋音奔音

也昔成王將終命大臣相康王方是時掌親兵者太公望之子伋也宰臣召公奭命仲桓南宮毛取二千戈虎賁百人于伋以逆嗣子伋雖掌兵非有宰臣之命不敢發也召公雖制命非二諸侯將命以徃伋亦不承也兵權散主不偏屬於一人可知矣

今莊公幼年即位專以兵權授之慶父歲月既久威行中外其流至此故於餘丘法

不當書而聖人特書慶父帥師以志得兵之始而卒書公薨子般卒慶父如齊以見

現音

見音

春秋四傳卷之十

九

袁廣用

其出入自如無敢討之者以示
後世其垂戒之義明且遠矣

狄伐邢

此狄入

伐之始

春秋四傳卷之十

春秋四傳卷之十一

難去聲

閔公

公名啓方史記名開蓋為漢景帝諱莊公子年九歲即位

諡法在國逢難曰閔

周

詳見隱

鄭

詳見隱

齊

管仲為政

宋

詳見隱

晉

獻公十六年是

衛

魯閔公二年狄滅衛宋桓公立衛戴公以廬于曹戴公名申立其年卒而立文公

春秋四傳卷之十一

與士廉書

蔡 詳見隱
公元年

曹 詳見隱
公六年

滕 詳見隱
公元年

陳 詳見隱
公元年

杞 詳見隱
公元年

薛 魯莊公三十
年

莒 詳見隱
公元年

邾 文公
五年

許 穆公三十
七年

小邾 見莊公
元年

楚 今尹子
文為政

秦 詳見隱
公元年

吳 詳見隱
公元年

越 詳見隱
公元年

周 惠王十
六年

十二年曹昭公班元年陳宣三十二年杞惠

年春王正月 左傳不書即位亂故也公羊傳

即位孰繼繼子般也孰弒子般慶父也殺公

班般音甫
即位孰繼繼子般也孰弒子般慶父也殺公
牙今將爾季子不免慶父弒君何以不誅
士廉書

探惡平
各樂音鳥音

將而不免過惡也既而不可及因獄有所歸
不探其情而誅焉親親之道也惡乎歸獄歸
獄僕人鄧扈樂曷為歸獄僕人鄧扈樂莊公
存之時樂曾淫于宮中子般執而鞭之莊公
死慶父謂樂曰般之辱爾國人莫不知盍弑
之矣使弑子般然後誅鄧扈樂而歸獄焉季
子至而不變也穀梁傳繼弑君不言即位正
也親之非父也尊之非君也繼之如君父也
者受國
焉爾

胡傳

不書即位內無所承上不請命也莊
公薨子般卒慶父夫人利閔公之幼

般音甫
班父音甫
相去聲

而得立焉是內不承國於先君也按周制
王哭諸侯則大宗伯為上相未有諸侯之
薨而不告于王者也職喪掌諸侯之喪以
國之喪禮蒞其禁令序其事凡國有司以
王命有事焉則詔贊主人未有諸侯之子
主喪而王不遣使者也今魯有大故不告

使去聲

使去聲

于周閔既主喪而王不遣使是上不請命
於天子也內無所承上不請命故不書即
位正人道之大倫也

齊人救邢

左傳狄人伐邢管敬仲言於齊侯
曰戎狄豺狼不可厭也諸夏親暱

厭平聲

不可棄也宴安酖毒不可懷也詩云豈不懷
歸畏此簡書簡書同惡相恤之謂也請救邢
以從簡書齊人救邢也

胡傳

此書救者未有不善者也救在京師
則罪諸侯狄救齊吳救陳是也救在遠國

處上聲

雍去聲

則罪四鄰晉陽處父帥師伐楚以救江是
也救而不速救者則書所次以罪其慢叔
孫豹救晉次于雍榆是也救而不敢救者
則書所至以罪其怯齊侯伐我北鄙圍成
公救成至遇是也兵者春秋之所甚重衛

陳去聲 見音 現將 去聲

靈公問陳孔子對曰俎豆之事則嘗聞之矣軍旅之事未之學也獨至於救兵而書法若此聖人之情見矣其稱人將卑師少也

夏六月辛酉葬我君莊公左傳夏六月葬莊公亂故是以緩覈

梁傳莊公葬而後舉蓋蓋所以成德也於卒事乎加之矣○秋八月公及

齊侯盟于落姑也落公穀作洛左傳請復季友

于郎以待之穀梁季子來歸左傳嘉之也公

傳盟納季子也何賢也其言來歸何喜之也穀梁傳

其曰季子貴之也其曰來歸喜之也

般音 班父 音甫

胡傳按左氏盟于落姑請復季友也其曰

辨去聲

支避難而出奔恥也魯國方危內賊未討

國以請於齊則賢也春秋欲沒其恥故

不書奔欲旌其賢故特稱季子聖人之善惡稱

見音 現樂 去聲 惡稱 之惡 去聲

見矣隱惡而揚善舜也樂道人之善惡稱

人之諱春秋也明此可以蓄納汗之德樂與

鮮音 仙殺 去聲

者諱春秋也明此可以蓄納汗之德樂與

而急親賢退罷訟周厚本技而庸且仲黜

冬齊仲孫來左傳冬齊仲孫來省難書曰

慶父魯難未已公曰若之何而去之對曰難

難乃旦反問去聲王去聲

與平聲

難去聲下同聲

去上聲

不可循秉周禮周禮所以本也臣聞之國將
亡本必先顛而後枝葉從之魯不棄周禮未
可動也君其務寧魯難而親之親有禮因重
固間携貳覆昏亂霸王之器也公羊傳齊仲
孫者何公子慶父也公羊傳齊外之也曷為
齊仲孫繫之齊也曷為繫之齊外之也曷為
外之春秋為尊者諱為親者諱為賢者諱子
女子曰以春秋為春秋齊無仲孫其諸吾仲
孫與穀梁傳其曰齊仲孫外之也其不稱使
而曰仲孫疏之也其言齊以累桓也其不
胡傳略其君臣之常詞以見桓公使臣不
以禮仲孫事君不以忠也按左氏齊侯憂
魯使仲孫來省難何以言使臣不以禮也
鄰有弒逆則當聲罪戒嚴脩方伯之職以
奉天討而更使計謀之士窺覘虛實有乘
亂取國之心則使臣非以禮矣仲孫歸曰
不去慶父魯難未已君其務寧魯難而親

潮朝音

將去聲大音泰還音為旋去聲焉音煙

之何以言事君不以忠也陳恒弑簡公孔
子沐浴而朝告於哀公請討焉豈曰齊人
方強姑少待之也不勸其君急於討賊而
俟其自斃則事君非以忠矣使慶父稔惡
閔公再弑則桓公與仲孫始謀不滅之
所致耳直書曰齊仲孫來交譏之也
附錄左傳晉侯作二軍公將上軍太子申
耿滅霍滅魏還為大夫士蒍曰沃賜趙夙耿
賜申萬魏以為大夫士蒍曰沃賜趙夙耿
矣分之都城而位以卿先為之極又焉得
立不如迷之無使罪至為吳大伯不亦可
乎猶有令名與其及也且諺曰心苟無瑕
何恤乎無家天若祚大子其無晉乎
曰畢萬之後必大萬盈數也魏大名也
是始賞天啓之矣天子曰兆民諸侯曰萬
民今名之大以從盈數其必有眾初畢萬
筮仕於晉遇屯三三之比三三辛廖占之曰吉

長上聲

屯固比入吉孰大焉其必蕃昌震為七車
 從馬足居之兄長之母覆之眾歸之六體
 不易合而能固安而能殺公侯
 之卦也公侯之子孫必復其始
 辛七年十二年齊桓二十六年晉獻十七衛懿
 二陳宣三十三杞惠十三宋
 桓二十二秦成四楚成十二春王正月齊人
 遷陽

附錄

左傳春虢公敗犬戎于渭汭舟之僑
 曰無德而祿殃也殃將至矣遂奔晉

夏五月乙酉吉禘于莊公

左傳速也公羊傳

未可以吉也曷為未可以吉未三年也三年
 矣曷為謂之未三年三年之喪實以二十七
 月其言于莊公何未可以稱宮廟也曷為未
 可以稱宮廟在三年之中矣吉禘于莊公何

殺去聲

共平聲

以書譏何譏爾譏始不三年也穀梁傳吉禘
 者不吉者也喪事未畢而舉吉祭故非之也

胡傳

程氏曰天子曰禘諸侯曰禘其禮皆
 合祭也禘者禘其所自出之帝為東

向之尊其餘皆合食於前此之謂禘諸侯
 無所出之帝則止於太祖之廟合羣廟之
 主以食此之謂禘天子禘諸侯禘何有禘
 庶人薦上下之謂禘也魯諸侯爾何以有禘
 成王追念周公有大勲勞於天下賜魯公
 以天子禮樂使用諸太廟以上祀周公魯
 於是乎有禘祭春秋之中所以言禘不言
 禘也然則可乎孔子曰魯之郊禘非禮也
 周公其衰矣禘言吉者喪未三年行之太
 早也于莊公者方祀于寢非宮廟也一舉
 而三失禮焉春秋之所謹也四時
 之祭有禘之名蓋禮文交錯之失
 秋八月辛丑公薨左傳初公傳奪上齋田公
 不禁秋八月辛丑共仲使

聲為去

十齧賊公于武闞公羊傳公薨何以不地隱
 之也何隱爾弒也孰弒之慶父也殺公子牙
 今將爾季子不免慶父弒二君何以不誅將
 而不免過惡也既而不可及緩追逸賊親親
 之道也穀梁傳不地故也其非也
 不書葬不以討母葬子也喪未三也
胡傳按左氏初公傅奪魯薨田公不禁慶
 父使十齧賊公于武闞魯史舊文必
 以實書其曰公薨不地者仲尼親筆也觀
 於刪詩在諸國則變風皆取在魯則獨編
 史克之頌或問吾黨有直躬者其父攘羊
 而子證之則曰吾黨之直者異於是父為
 子隱子為父隱直在其中矣後世緣此制
 為五服相容隱之條以綴骨肉之恩春秋
 有詳義蓋如此禮記稱魯之君臣未嘗相
 弒者蓋習於經文而不知聖人書薨不地
 之旨故云爾然則諱而不言弒也何以傳
 信於將來曰書薨以示臣子之情不地以

聲去上

掌黨音

九月夫人姜氏孫于邾孫音遜穀梁傳孫之

存見弒之實何為無以傳信也凡君終必
 書其所獨至於見弒則沒而無所其情厚
 矣其事亦白矣非聖人能脩之乎後世記
 言之士欲諱國惡則必失其實直書無隱
 又非臣子所當施之法不傳於君
 父也而春秋之法不傳於君

胡傳夫人稱孫聞乎故也不去姓氏降文
 姜也莊公忘親釋怨無志於復讎春

秋深加貶絕一書再書又再書屢書而不
 諱者以謂三綱人道所由立也忘父子之
 恩絕君臣之義國人有尊而不察將以是為
 常事則亦不知有君之尊有父之親矣莊
 公行之而無憤疾之疑大臣順之而不諫百
 姓安滅故叔牙之弒械成於前慶父之無君
 於後圍人犂上齧之刃交發于黨氏武闞

與音預幾平聲
感反七
共音恭

與去聲
孫去聲
復扶
又反

甫音
音聲

之間哀姜以國君母與聞乎故而不忌也
當是時魯君再弑幾至亡國其應不亦惜
乎春秋以復讎為重而書法如此所謂
治之於未亂保之於未危不可不察也

公子慶父出奔莒

左傳成季以僖公適邾共仲奔莒乃入立之以賂求

共仲于莒莒人歸之及密使公子魚請不許
哭而往共仲曰奚斯之聲也乃縊閔公哀姜

之姊叔姜之子也故齊人立之共仲通於哀
姜哀姜欲立之閔公之死也哀姜與知之故

孫于邾齊人取而殺之于夷以其尸歸僖公
請而葬之穀梁傳其曰出絕之也慶父不復

矣見

胡傳

公子出奔譏失賊也閔公立而季子

可遽奪也季子執政日淺其謀未得盡行
也設以聖人處之期月而已可矣季子賢

人而當此能必克乎及閔公再弑慶父罪
惡貫盈而疾之者愈眾季子忠誠顯著而

附之者益多外固強齊之援內協國人之
情正邪消長之勢判矣然後夫不敢安

其位慶父不得肆其姦此明為國者不知
圖難於其易為大於其細雖有智者亦不

能善其後矣世儒或言用魯之眾因齊之
力以戮慶父其勢甚易而季子不能故書

夫人孫邾慶父奔莒所以深惡其緩不討
賊則非也以絳侯勃之果陳平之無誤將

相交歡而內有朱虛外連齊楚以制諸呂
庸人宜易於反手然太尉已入北軍士皆

左袒猶恐不勝未敢訟言誅之也况於慶
父巨姦七百之侯國革車千乘而三十

年執其兵柄其植根深矣其耳目廣矣其
用物弘矣而以為戮之其勢甚易此未察

乎難易遲速之幾者也經書莊公忘親無
復讎之志使百官則而象之亦不知有君

長上聲
易去聲
同聲下
孫去聲
惡去聲
相去聲
乘去聲
幾平聲

父也而又使慶父主兵失馭臣之道是以至此極故書孫邾奔莒為後世之求鑒也

附錄 左傳成季之將生也桓公使卜楚丘

右問于兩社為公室輔季氏亡則魯不昌又筮之遇大有三三之乾三三曰同復于父敬

如君所及生有文在其手曰友遂以命之

冬齊高子來盟 公羊傳高子者何齊大夫也何以不名喜之也何喜爾正我也其正我奈何莊公死子般弑閔公弑比三君死曠年無

君說以齊取魯曾不與師徒以言而已矣桓公使高子將南陽之甲立僖公而城魯或曰

自鹿門至于爭門者是也或曰自爭門至于吏門者是也魯人至今以為美談曰猶望高

子也穀梁傳其曰來喜之也其曰高子貴之也盟立僖公也不言使何也不以齊侯使高

也

曾平 聲將 去聲

將去 聲

難去 聲

上使 去聲 下使 如字

好去 聲

焉音 守音 去聲

也子

胡傳 高子齊大夫也子者男子之美稱其稱子賢之也何賢乎高子莊公薨子般卒閔公弑慶父夫人亂乎內魯於是曠

年無君齊桓公使將南陽之甲至魯而謀其國其命高子必曰魯可取則兼其國以

廣地魯可存則平其亂以善鄰非有安危繼絕一定不可易之計也高子至則平魯

難定僖公魯人賴焉以為美談至于久而不絕曰猶望高子也聖人美其明人臣之

義得奉使之宜特稱高子以著其善其不曰齊侯使之者

權在高子也

十有二月狄入衛 左傳冬十一月狄人伐衛

將戰國人受甲者皆曰使鶴鶴實有祿位余焉能戰公與石祁子玦與甯莊子矢使守曰

殿華 並去 聲去 上聲 去聲 少去 聲強 上聲 為去 聲 共平 聲 乘稱 兩皆 去聲

以此贊國擇利而為之與夫人繡衣曰聽於
二子渠孔御戎子伯為右黃夷前驅孔嬰齊
殿戰于熒澤衛師敗績遂滅衛衛侯不去其
旗是以甚敗狄人因史華龍滑與禮孔以逐
衛人二人曰我太史也實掌其祭不先國不
可得也乃先之至則告守曰不可待也夜與
國人出狄入衛遂從之又敗諸河初惠公之
即位也少齊人使昭伯丞於宣姜不可強之
生齊子戴公文公宋桓夫及敗宋桓公逆諸河
為衛之多患也先適齊及敗宋桓公逆諸河
宵濟衛之遺民男女七百有三十人益之以
共勝之民為五千男女七百有三十人益之以
夫人賦載馳齊侯使公子無虧帥車三百乘
甲士三千人以戌曹歸公乘馬祭服五稱牛
羊豕雞狗皆三百與門材
歸夫人魚軒重錦三十兩
胡傳 入衛康叔之後蓋北州大國狄何以能

純鷄音 定反 倂反 惡去 聲 同聲 去聲 好惡 遠皆 去聲

繁而志寡如班固書載諸王淫亂等事豈
削之可也奕曰必若此言仲尼刪詩如牆
有茨鷄之奔奔桑中諸篇何以錄於國風
而不削乎臣不能答後以問延平楊時時
曰此載衛為狄所滅之因也故在定之方
中之前因以是說攷於歷代凡淫亂者未
有不至於殺身敗家而亡其國者也然後
知古詩垂戒之大而近世有獻議乞於經
筵不以國風進讀者
殊失聖經之旨矣
鄭棄其師 左傳鄭人惡高克使帥師次于河
鄭人為之賦清人公羊傳鄭棄其師者何惡
其將也鄭伯惡高克使之將逐而不納棄師
之道也穀梁傳惡其長也兼
不反其眾則是棄其師也
胡傳 按鄭詩清人刺文公也高克好利而
不顧其君文公惡之而不能遠使克

與子音

焉於反
虞去反
相去反
同聲下

將兵禦狄於境陳其師旅翱翔河上久而
不召衆散而歸高克奔陳公子素惡高克
進之不以禮文公追之不以道危國亡師
之本故作是詩觀此則鄭棄其師可知矣
或曰高克進不以禮曷不書其出奔以貶
克爲人臣之戒而獨咎鄭伯何也曰人君
擅一國之名寵殺生予奪惟我所制爾使
克不臣之罪已著按而誅之可也情狀未
明黜而遠之可也愛惜其才以禮馭之可
也烏有假以兵權委諸境上坐視其失伍
離散而莫之恤乎然則棄師者鄭伯乃以
國稱何也二二執政股肱心膂休戚之所
同也不能進謀於君協志同力黜逐小人
而國事至此是謂危而不持顛而不扶則
將焉用彼相矣晉出帝時景延廣專權諸
藩擅命及桑維翰爲相出延廣於外一制
書所敕者十有五鎮無敢不從者以五季
之末維翰能之而鄭國二三執政畏一高

克不能退之以道何政之爲
書曰鄭棄其師君臣同責也
附錄左傳晉侯使太子申生伐東山臯落
氏里克諫曰太子奉冢祀社稷之粢

成音
守從
並去
聲監
平聲
適入帥
並入
聲焉
於處
反舍
上聲
共音
恭難
去聲
下同
衣去
聲下
衣如

盛以朝夕視君膳者也故曰冢子君行則
守有守則從從曰撫軍守曰監國古之制
也夫帥師專行謀誓軍旅君與國政之所
圖也非太子之事也師在制命而已稟命
則不威專命則不孝故君之嗣適不可以
帥師君失其官帥師不威將焉用之且臣
聞臯落氏將戰君其舍之公曰寡人有子
未知其誰立焉不對而退見太子太子曰
吾其廢乎對曰告之以臨民教之以軍旅
不共是懼何故廢乎且子懼不孝無懼弗
得立脩已而不責人則免於難太子帥師
公衣之偏衣佩之金玦狐突御戎先友爲
右梁餘子養御罕夷先丹木爲右羊舌大
夫爲尉先友曰衣身之偏握兵之要在

遠去聲
同聲下

龍蒲
江反

軫反
市

盡子
忍反
下同

諗音
審

行也子其勉之偏躬無慝兵要遠災親以
 無災又何患焉狐突歎曰時事之微也衣
 身之章也佩衷之旗也故敬其事則命以
 始服其身則衣之純用其衷則佩之度今
 命以時卒閱其事也衣之老服遠其躬也
 佩以金玦棄其衷也服以遠之時以閱之
 老涼冬殺金寒玦離胡可恃也雖欲勉之
 狄可盡乎梁餘子養曰帥師者受命於廟
 受賑於社有常服矣不獲而老命可知也
 死而不孝不如逃之罕夷曰老奇無常金
 玦不復雖復何為君有心矣先丹木曰是
 服也狂夫阻之曰盡敵而反敵可盡乎雖
 盡敵猶有肉纓不如違之狐突欲行羊舌
 大夫曰不可違命不孝棄事不忠雖知其
 寒惡不可取子其死之太子將戰狐突諫
 曰不可昔辛伯諗周桓公云內寵並后外
 寵二政嬖子配適大都耦國亂之本也周
 公弗從故及於難今亂本成矣立可必乎

入聲
屬

乘去
聲

孝而安民子其圖之與其危身以速罪也
 ○成風聞成季之絲乃事之而屬僖公焉
 故成季立之○僖之元年齊桓公遷邢于
 夷儀二年封衛于楚丘邢遷如歸衛國忘
 亡○衛文公大布之衣大帛之冠務材訓
 農通商惠工敬教勸學授方任能元年革
 車三十乘季
 年乃三百乘

史記卷之四
 成風聞成季之絲乃事之而屬僖公焉

巡按福建監察御史開州吉澄校刊
縉雲樊獻科重訂

春秋四傳卷之十一

